

MADAMU A RE NA MITWE



Murena, ndi a tenda; Murena, ndi a tenda,
Zwoṭhe zwi a konadzea; Murena, ndi a tenda.

² Kha ri vhe ro ima lwa tshikhathinyana nahone ri kotamise zwifhaṭuwo zwashu. Murena Yesu, ri khou lingedza nga ndila yashu yo ṭukufhalaho, u nea vhuḍipfi hashu kha Iwe, nga u imba holu, zwauri ri a tenda. Huno ri a rabela, Murena, zwauri zwino, zwauri U ḋo isa phanda na u nwatekanya Tshinnkwa tsha Vhutshilo kha rine, u tshi ri nea itsho tshine ra tshi shaya, tshi bvaḥo kha Ipfi Ḵau. Ngauri ri zwi humbela Dzinani ḥa Yesu. Amene.

³ Dzulani. Ndi na vhuṭanzi tshoṭhe, arali ri tshi tea u ralo, arali ndi tshi nga amba ipfi ḥo edanaḥo tshoṭhe zwino ḥa “amene,” zwauri phaṭhutshedzo dza khuliso dza Mudzimu dici ḋo di dzula kha vhathetshelesi avha.

⁴ Ndo dzula matsheloni ano nahone nda thetshelesa zwavhuđi tshumelo, nda ḏiphina nga vhuṭanzi, ndila dzo fhambanaho dzine muńwe na muńwe a vha nadzo dza u bvisa vhupifiwa havho vhone vhane. Na u pfa vhaswa, murathu wa Mubaphuthisi fhano a ḫaho u humbela pfarelo nga ha u elekanya ho khakheaho zwiṭuku. Ngauralo hu si na na u timatima ndi—ndi takalela muńwe muthu, ane a nga vha na vhuthu tshoṭhe, kana—kana nzhinga vhukuma, na yone—vho, arali i tshi elekanya uri yo ita khakho. Ho ngo humbela pfarelo kha nne kokotolo, ho vha hu si nne we a vha a khou humbela pfarelo khae, ho vha hu Mudzimu. Ngauralo ndi—ndi a zwi takalela hezwo, ni a vhona. Mudzimu a fhaṭutshedze murathu washu, na mukomana wawe wa muevangeli.

⁵ Nnēnne, uyo Mubaphuthisi, ni a divha, ndo vha ndi tshi anzela u vha wa tshivhidzo tsha Baphuthisi nne muṇe. Ndo vha ndi murađo wa Vhurumiwa Ha Tshivhidzo Tsha Baphuthisi. Musi ndi tshi ḫa vhukati ha vhathu, ndi divha uri ni ḏipfa hani. Ndo ḏipfa nga ndila yeneyo, ndo tou ḫala tshińwe tshithu tshe nda—nda si tshi ḫivhe.

⁶ Ndi elelwa tshenzhemo yanga ya u thoma ya u vhona mupentekostała, ho vha hu kha ḥa Dowagiac, Michigan...ndi humbela pfarelo, ndo vha ndi ngei Dowagiac nga lwendo lwa vhureakhovhe, huno ndo vha ndi tshi bva Dowagiac, u swika kha ḥa Indiana. Huno ngauralo nda vhona madzina, a “Yesu” hoṭhe—hoṭhe kha dzigoloi na zwithu, huno ndo thetshelesa tshumelo dzavho ḫlo ḫuvha. Huno ḫuvha li tevhelaho vho nkumbela u ḫa kha pulatifomo, u amba maipfi a si gathi, huno nda ralo. Huno nda... Vha mmbudzisa uri ndi wa tshivhidzo tshifhio, huno nda vha vhudza uri ndi Mubaphuthisi.

⁷ Huno vhusiku uvho vho vha vhe na munna wa mukhaļadi wa kale a tshi khou yo rera, huno u fanelu u vha o vha o no vha kha miňwaha yawe ya vhufumalo ya u fhedzisela, huno a bva a da kha pułatifomo. Muthu uyo wa kale, vho vhuya vha ḥodou mu thusa u bvela nnđa. O vha, o ambara liňwe la ayo madzhasi malapfu a vhashumeli, kholoro ya velivete, na lupendelo lu no tou vha luťuku lwa mavhudzi a no nga vhukuse vhutshena u mona na lurumbu. Huno nda elekanya, “Vhothe havha vhanna hafha na vhagudi vha zwa vhurereli, vhanna vhahulwane, vha nga tendela hani iyi tshumelo i tshi nnewa muthu a no nga uyo? Zwo ralo, mukalaha u tea u vha e huňwe kha tshidulo, o dzula phasi.”

⁸ Vho vha vha tshi khou rera ilo duvha nga ha zwe Yesu a ita fhano lifhasini. Huno, fhedzi o da, a dzhia liňwalwa lawe, ndi tenda uri lo vha li tshi bva kha Yobo...:7, 20, a tho ngo vha na vhutanziuri ndi ulwo Luňwalo. Naho zwo ralo, heyi ndi khothesheni, kana tshipida tshayo, “Wo vha u ngafhi musi Ndi tshi vhea mitheo ya shango, musi naledzi dza mutsho dzi tshi imba dzothe, nahone vharwa vha Mudzimu vha tshi khana nga dakalo?” Huno o amba nga ha zwo bvelelaho Tadulu, musi vho vha vha tshi khou amba nga ha zwo iteaho kha liňhasi.

⁹ Huno huňwe fhethu, nga miniti i no ḥodou swika miňanu nga murahu ha musi o vha a tshi khou amba, ene, Muya wa Murena wa mu rwa, huno a fhufhela nňha a ri dzhida fuloroni nahone a kudekanya zwirethe zwawe. Nnenne, ho vha hu na lufhera luhulu, ho vha hu na lu ḥodaho u lingana hafu kha iyi pułatifomo; huno a ḥuwa a tshi khou tshimbila, a ri, “Ni tou vha ni si na lufhera lwo edanaho nňha hafha uri ndi rere.”

¹⁰ Ndi zwone, ndo vha ndi na miňwaha i no ḥodou swika fumbili nga itsheo tshifhinga. Nda elekanya, “Arali—arali izwo zwi tshi do ita izwo kha uyo mukalaha, zwi do ita mini kha nne?” Ngauralo ni a vhona?

¹¹ Ndo imela u vhea tshiňwe na tshiňwe nga ngona u itela vharathu vhashu vhaswa, zwauri ngoho—ngoho ri a vha ḥanganedza kha khwerano yashu. Ndi a vhona, ndi a tenda uri vho no bula tshifhe o dzulaho hafha, ndi a elekanya; ngauri, ndi Muairishi, vhathe vhangi ndi vha Kaćolika. Huno zwo ralo ho vha na vhaňwe vho engedzeaho, vha Baphuthisi na vho fhambanaho. Ni nga vha no kanganyisea zwiťuku, tshifhinganyana tsho fhiraho. Ndo dzhiela nzhele uri a hu na na muthihi wa vharathu o ambaho nga hazwo, fhedzi ndo humbula uri ndi do lingedza u zwi lugisa. Musi Murathu Shakarian... Nga murahu ha musi muambi wavhudzi hafha o qala dakalo tshothe, la u ḥivha uri U Da ha Murena ho sendela nga maanda, o—o amba nga lulimi lusili, na riňe. Huno ri na vhaṭalutshedzi vha no nea ḥalutshedzo. Zwine, Luňwalo lwa ri, “Arali ha sa vha na muṭalutshedzi, zwenezwo kha vha ḥifhumulele.” Fhedzi arali—arali vha tshi amba nga dzindimi huno zwenezwo vha dici alutshedza, dici vha vhuporofita. Ngauralo ndado ḥukhu ya—

ya vhuvhili havho nga tshifhinga tshithihi. Zwino, izwo zwo vha zwi sa dadisi na zwičukučku, ni a vhona; ngauri, muňwe wavho o vha a tshi khou nea thalutshedzo, muňwe a tshi khou porofita. Ni a vhona? Ngauralo izwo ndi . . .

¹² Ndo humbula uri ndi do ita uri vharathu vhashu vha pfesese, arali vha songo pfesesa, ngauri muňwe wavho o vha a tshi khou nea nga ndila yone . . . No dzhieila nzhele u pimiwa ha tshifhinga tsha muňwe na muňwe? Huno muňwe o vha o tou dadzwa tshothe, ene munę, lwe Muya wa Mudzimu wa vha u tshi khou porofita nga muňwe; a tshi khou ḥalutshedza, muňwe a tshi khou nea thalutshedzo. U itela uri zwi pfale, uri ni . . . a ri . . . Tshiňwe tshifhinga, kha muhumbulo wa mupo . . . U tou fana na murathu washu wavhudı we a humbela pfarelo ano matsheloni. Zwi a kanganyisa zwičuku kha muthu a sa pfesesi. Fhedzi kha avho vha re ngomu, vhomasithesele vha nndwa ine ra vha khayo, mulandu, ri a zwi pfesesa, zwine izwi zwithu zwa vha zwone. Ngauralo ndo tou elekanya uri ndi do amba tshiňwe nga hazwo, arali zwo vha zwo luga.

¹³ Zwino, ndi—ndi a divha uri hafha a si fhethu ha u amba hezwi. Fhedzi ngauri muňwe na muňwe o vha a tshi khou amba zwithu zwičuku, ndi . . . Ni a divha, uyo munna o ri, mukalahwa wa mukhaladi o ri, “a ni na lufhera lwo edanaho uri ndi rere.” A ni na *tshifhinga* tsho edanaho uri ndi rere. [Tshivhidzo tshi vhanda zwanda—Mudz.] Zwi tou mona.

¹⁴ Liňwe duvha munna, o ri, “Mushumeli o da, o vha e mufunzi tshivhidzoni lwa miňwaha ya fumbili. Huno o vha a tshi anzela u rera lwa miniti ya furaru fhedzi kokotolo matsheloni maňwe na maňwe a Swondaha tshivhidzoni tshawe.” Huno a ri, “Matsheloni aya a Swondaha, o rera awara tharū.”

¹⁵ Huno ngauralo bodo ya madikoni ya mu vhidzela ngomu, huno ya ri, “Vhafunzi, zwa vhukuma ri a vha takalela.” Vha ri, “Ri a zwi divha misi yothe zwauri—zwauri vha imela Bivhili na pfanelo Dzayo.” Huno zwenezwo vha ri, “Nahone vha dzulela u ri khakhulula uri ri kone u pfra ro ḥamba nahone ro kuna phanda ha Mudzimu. Huno zwa vhukuma ri a vha takalela, nahone ri a tenda uri vha mulanda wa Mudzimu. Huno hu si na na thimothimo ro takalela uyo mulaedza matsheloni ano. Fhedzi,” vha ri, “hu tou vha na tshithu tshithihi tshine ra todou vhudzisa nga hatsho.” Vha ri, “Ro vha kalela tshifhinga, sa bodo ya madikoni.” Vha ri, “Matsheloni maňwe na maňwe a Swondaha vha tou fhedza miniti ya furaru kokotolo, huno namusi vho fhedza awara tharū.” Vha ri, “Zwino, vha elelwe, ri takalela tshipida tshiňwe na tshiňwe tshawo. Wo vha wo luga.” Vha tshi khou ita uri uyo mukalahwa a takale, ni a divha.

¹⁶ Vha ri, “Zwo luga, vharathu, ndi do ni vhudza uri zwi da hani.” Vha ri, “Matsheloni maňwe na maňwe musi ndi tshi ya . . . ndi tshi vhidzwa kha phuļuphithi,” vha ri, “ndi panga tshithihi

tsha izwo Zwiphulusa Vhutshilo zwiṭuku mulomoni wanga,” vha ri, “huno ndi tou tshi muṇa.” Huno vha ri, “Musi Tshiphulusa Vhutshilo tsho no fhela,” vha ri, “tshi dzhia miniti ya furaru fhedzi,” huno vha ri, “zwenezwo ndi litsha u rera.” Vha ri, “Ni a ḋivha, ano matsheloni, ndo humbula uri ndo pfuka tshifhinga zwiṭuku. Nda tshi pfa, ndo vha ndi na gunubu mulomoni wanga.” [Tshivhidzo tshi a sea—Mudz.]

¹⁷ A thi khou ya u panga na tshithihi ngomu, ngauralo ndi a fulufhela uri a ri wani dziṅwe gunubu zwikwamani zwashu. Fhedzi ri... Ndi a fulufhela uri izwo a zwe ngo pfala zwi si zwikhethwa fhano. Fhedzi ndo tou... Ni a ḋivha, na Mudzimu u na tshipfī tsha u seisā, ni a ḋivha.

¹⁸ Ngauralo ri a takala nga maanda u vha fhano huno ra vha na tshifhinga itshi tsha khwerano, na—na u vha na ndugelo iyi ya n̄tha ya u nwata Tshinnkwa tsha Vhutshilo hafhu, nga nd̄ila yanga ḥukhu i leluwaho. Ndi a ḋivha, sa vhagudi vha zwa vhurereli, vhunga uł munna a bvaho England o amba afha vhusiku ho fhiraho; nn̄enñe, ndi vhenga u vha murahu ha muthu o raloho, ndi na pfunzo yanga ya gireidi ya vhusumbe. Fhedzi ndi a fulufhela zwauri Mudzimu u do ni ḥalutshedza zwine zwa amba zwone mibiluni yanga. Ni a vhona? Arali maipfi anga o khakhea; ndivho dzanga, ndi—ndi a fulufhela, ndi dzone.

¹⁹ Zwino kha ri vhale kha Luñwalo. Vhanzhi vhañu vha takalela u tevhela. Huno ndi khou ya u vhala matsheloni ano, lwa zwikhathi zwi si gathi, u bva kha Bugu ya Yeremia, muporofita, ndima ya 2, huno ndi khou ya u thoma zwino kha ndimana ya 1.

Fhongo ṥa MURENA lo dovha ṥa ḫa kha n̄ne, ṥa ri,

Tshimbila huno u huwelele n̄devheni dza Yeruselema, u ri, MURENA u ralo; Ndi a u elelwa, vhulenda ha vhuswa hau, na lufuno lwa muselwa wau, musi wo ntsala murahu sogani, na ngomu ha shango ḥe ṥa vha ḥi songo zwalwa.

Israele o vha e vhukhethwa kha MURENA, na zwiranzhe zwa khaño yawe: vhothe vhane vha mu ṥa vha ḥo... nahone vha khukhulisa; khombo i ḥo ḥela vhone, MURENA u ralo.

Iwe ipfa ipfi ṥa MURENA, Hee nn̄du ya Yakobo, na miṭa yothe ya nn̄du dza Israele:

MURENA u ralo, Ndi vhufhio vhutshinyi he vhokhotsi anu vha vhu wana kha n̄ne, zwe vha ḥutshela kule hanga, huno vha tevhela zwa mahandana, nahone vha vha vha mahandana?

Nahone a who ngo ri, U ngafhi MURENA we a ri bvisa shangoni ṥa Egipita, huno a ri ranga phanda u budekanya soga, u budekanya ḥone shango ṥa phanga na ṥa magovha, u budekanya ḥone shango ṥa gomelelo; na

la mirunzi ya lufu, u budekanya lone shango le ha si vhe na muthu o li pfukaho, nahone...li sa dzuli muthu?

Huno Ndo ni disa kha shango li re na ndalo, u la mitshelo yalo na vhudi halo; fhedzi musi no dzhena, no tshikafhadza, shango langa, na ita vhufa hanga vhuetdzi.

Huno vhotshifhe a vho ngo ri, U ngafhi MURENA? Huno tshanda tsha mulayo a tsho ngo nndivha: huno vhone vhafunzi vho nkakhela-vho, na vhaporofita vho porofita nga Baali, nahone vha tevhela zwithu zwi sa vhuedzi.

Ngauralo Ndi do... imedzana na inwi, MURENA u ralo, huno Ndi do imedzana na vhana vha vhana vha.

Ngauri...seli ha ili shango la Khithi, nahone ni vhone; na kha la Kedara, huno ni zwi sedzese nga maanda, nahone ni vhone arali hu na tshithu tsho raloho.

Lushaka lwo shandukisa midzimu yalwo, ine ya... i si midzimu? fhedzi vhatu vhanga vho shandukisa vhugala havho kha izwo zwi sa vhuedzi.

Tshenuwani, Hee inwi maṭadulu, kha izwi, nahone ni ofhe lu shushaho,...no ṭungufhala nga maanda, MURENA u ralo.

Ngauri vhatu vhanga vho ita vhuvhi vhuvhili; vho tutshela nne tshisima tsha madi a tshilaho, huno vho dikorela madamu, madamu a re na mitwe, a sa koni u fara madi.

²⁰ Murena nga a engedze phaṭhutshedzo Dzawe kha u vhalwa ha Maipfi Awe. Huno ndi do takalela u—u dzhia theroyao, sa, *Madamu A Re Na Mitwe*.

²¹ Musi, nga u vhala ulu Luñwalo matsheloni ano; ngauri, Luñwalo lwothe lu newa nga u hevhedzwa. Huno ri da Nquni ya Murena u khakhululwa na u itela u pfectesa. Huno nga zwiñwe zwifhinga ri vhone...tshithu tshiñwe na tshiñwe tshiñku tshi ndilani.

²² Vhunga hoyu munna wa mmbi, tshifhinganyana tsho fhiraho, o vha a tshi khou amba na riñe nahone a tshi khou amba uri zwiñwe zwithu, zwine khamusi zwi nga di vha zwi kha linwe shango li re na inwe misaele, kana—kana tshiñwe nga ha uyo muhumbulo, huno ri tea u wana tshiñwe tsha u khakhisa itsho kha—kha maano a mmbi.

²³ Ndi zwone, tshithu tsho raloho tshi dzhena tshivhidzoni, kha thembele ine muthu a khou rera e khayo, kana arali e muevangeli luvhandeni. Musi a tshi vhone miyutshelano, na tshiñwe tshithu tshire tsha khou tou thoma, tshi tshi bvelela, vhułukuni hatsho kana tshire tshi nga vha tshi tshone; ndi uyo

munna, arali e mulanda wa Mudzimu, u thivhela itsho tshithu kule na mihumbulo ya vhatuuri vha vhe kule natsho. Huno a ri ḥodi itsho tshi tshi itea, uri riñe ri dzhene kha masia o raloho.

²⁴ Zwino, nga tshifhinga tsha Yeremia afha, vhuporofita hawe, ho vha ho no fhela miñwaha i no ḥodou swika ya furathi nga murahu ha lufu lwa—lwa Yesaya—Yesaya. Huno vho vha vho no fhedza miñwaha i no ḥodou swika furathi vha si na muporofita muhulwane. Ho vha hu na Habakuku na vhañwe vhaporofita vhañuku, fhedzi Yesaya o vha ene muporofita muhulwane wa u fhedzisela. Huno vhatu vho vha, nga itshi tshifhinga, vho vha vha sa athu vha na muthihi wa u vha vhidzela nn̄da. Vho vha vho sudzuluwa. Naho zwo ralo, vho vha vhe vhatu vha Mudzimu, vho vha vho no sudzulutshela kha itshi tshiimo zwino tshine—tshine ra vha wana vhe khatsho, sa zwe Yeremia a da u vha porofitela. Huno Yeremia na ene o vha... O porofita phanda ha vhuthubwa, huno na ene o ya vhuthubwani navho.

²⁵ Huno zwenezwo, nga ngoho, Daniele a da murahu ha Yeremia. Huno Daniele o ri u na u pfesesa, nga Lunwalo, zwa miñwaha ya fusumbe ye vha vha vha tshi tea u vha ngei.

²⁶ Nga ngoho, ho vha hu na muñwe muporofita vhukati havho, we a vha a tshi ḥoda u ita iyi dzhogo, musi a tshi i kapea kha mutsinga wawe, uri zwi do vha zwithu zwiñuku, zwauri, “Hu sa athu fhela miñwaha mivhili, zwo ralo, Mudzimu o vha a tshi khou ya u vha vhuisa vhoñthe,” fhedzi Yeremia o ñivha zwo fhambanaho na izwo. Huno ri a ñivha zwo bvelelaho kha muporofita o porofitaho nga n̄dila yo khakheaho, o lovha ñwaha wonoyo. Ngauralo Mudzimu ho ngo mu litsha a ima.

²⁷ Huno zwino ri dzhiela-vho nzhele nyimele dza vhatu kha ilo duvha. Zwino a thi tami ni tshi mpfesesa nga ndila i si yone (A—a thi khou livhanya) kha zwine nda ḥoda u amba hafha, mañwe Mañwalo na notsi ḥukhu.

²⁸ A tho ngo vha na ndowelo ya u—u ñwala Mañwalo anga na zwithu fhasi. Fhedzi musi ndo no pfuka fumbiliñhanu lwa vhuvhili, ndi zwone, a—a thi elelwi vhunga zwe nda vha ndi tshi anzela u zwi ita, ngauralo ndi ñwala Luñwalo fhasi nda ñivha-ha, u bva afho, hune nda khou ya hone. Huno zwenezwo tshifhinga tshinzhi ndi tshi rabelela vhalwadze, na zwiñwe-vho, huno nda bva nahone nda ḥuwa, a thi na tshifhinga tsha u guda vhukuma sa zwine nda tea u ita.

²⁹ Zwino, fhedzi hoyu muporofita muhulwane wa ili duvha, o vha e Yeremia, huno o vha e kha tshiñwe kha thevhékano ya Amosi na vhañwe vhaporofita vhanzhi vho tutuwaho. O dzikuwa musi o no vhona nyimele dza lushaka. Zwino ho vha hu na fhethu...

³⁰ Tshiñwe tshifhinga musi u tshi khou amba nga ha lushaka, lu nga elekanya uri lu khou livhanywa na tshi—tshiñwe tshigwada. A si hezwo. Ndi tshifanyiso tsha dzhenisazwothe tsha lushaka.

Huno ri wana, namusi, nyi—nyimele i vhambedeswaho na ya namusi sa zwe zwa vha zwi zwone maduvhani a Yeremia, zwauri lushaka lwone lune, nga u angaredza, īwo dzhena ngomu, hu tshi tou anganywa, u rerela midzimu; zwi no nga, ndi do ralo, vho ḥutshela Mudzimu. Huno nga u ita izwo, ho vha vhukundelwi ha phuluphithi. Ngauri, arali phuluphithi yo vha yo ima tswititi, nahone na Ipfi la Mudzimu, Mudzimu o vha a tshi do vha e ngomu ha tshivhidzo tshiñwe na tshiñwe vhunga A tshi khou shuma vhukati hashu hafha. Fhedzi vho vha vho khadelwa kule haļo. Huno itsho ndi tshone tshithu tshine nda—nda ḥoda u amba nga hatsho ano matsheloni. Huno zwino ri wana uri izwo vhukumakuma ndi ngoro kha tshikhathi tshiñwe na tshiñwe.

³¹ Ndi tenda uri ho vha hu Amosi, vhunga ndo amba nga hae tshifhinganyana tsho fhiraho, zwauri o ri o vha “e si muporofita, kana murwa wa muporofita.” Fhedzi o amba, zwauri, “Musi ndau i tshi vhomba, ndi nnyi a ne a sa do ofha?”

³² Huno arali muňwe o no vhuya a pfa ndau i tshi vhomba sogani, hedzi ni a dzi pfa madevheleni hafha tsini dzi tshi tou īnwaudza. Fhedzi musi nthihi i tshi vhomba sogani, tshiñwe na tshiñwe tshi a dzhiela nzhele. Ndo no edela mařakani, u dzi zwima. Huno ndi yone khosi ya zwivhanda, huno, musi iyo ndau i tshi vhomba, na zwikhokhonono zwi litsha u lila, tshiñwe na tshiñwe tshi a ralo. Dzi—dziphunguhwe na dzi—na dziphele dzi tshi zhamba, na dziňwe phukha, na u homa ha mapfene na dzithoho, zwikhokhonono, ni nga si kone u dipfa ni tshi elekanya; fhedzi kulenyana i ri ni ndau i vhombe, huno tshikhokhonono tshiñwe na tshiñwe tshi do litsha u lila. Ni a vhona, tshiñwe na tshiñwe tshi a i ofha. Āaho zwo ralo, hu na zwithu zwinzhi zwine zwi nga i vhulaha, fhedzi i limuhiwa sa khosi vhukati ha zwivhanda.

³³ O ri, “Musi ndau i tshi vhomba, ndi nnyi a sa ofhi?” A ri, “Zwenezwo Mudzimu o amba, ndi nnyi a sa porofitiko?”

³⁴ Huno izwo ndi, ndi a elekanya, nyimele i ḥangana na iyo khaedu hafhu namusi. Mudzimu o amba. Ni a vhona? Huno ri vhona muňwalo wa tshanđa kha luvhondo, ngauralo zwi a leluwa nga maanda u porofita na u vhona uri ri kha tshifhinga tsha vhufhelo.

³⁵ Huno ri khou vhona Mudzimu, kha khethekanyo iňwe na iňwe ya dzidinomineisheni, Iwendo Iwothe u bva kha Vhukatolika, u budekanya zwivhidzo zwothe zwa porotestanti, Vhabuddha na zwiňwe zwo engedzeaho, u bva India, na tshiñwe na tshiñwe tsho engedzeaho. U khou vhidzela vhatthu Vhawé huthihi, a tshi vha kuvhanganya huthihi. Huno ndi—ndi a zwi takalela nga maanda hezwo, u vhona ili ḫuvha li tshi da. Zwino ri... Ndi—ndi ḫuvha lihulu, iňwe ya ndugelo khulwanesa.

³⁶ Uri, arali ndo do tea u, arali ndo vha ndo ḫivha phanda ha musi hu tshi vha na shango, musi ro vha ri mimuya tshipida

tsha Mudzimu, zwine ra vha zwone, ngauri ro vha ri Nae phanda ha miteo ya shango. Ngauri, hu na tshivhumbeo tshithihi fhedzi tsha Vhutshilo Vhu Sa Fheli, huno uvho ndi Mudzimu. Huno ri tshipiда Tshawe. Ro vha ri si vhane nga maanda ra do divha nahone—nahone ra elekanya, huno ra vha na vhūmuthu; fhedzi ro vha ri kha ngelekanyo Dzawe dza zwe ra vha ri zwone, phanda ha miteo wa shango. Ngauri, ri tshipiда Tshawe, vhunga murwa wanga e tshipiда tshanga, huno nne ndi tshipiда tsha khotsi anga, nga u ralo na nga u ralo. Ri vharwa na vhananyana vha Mudzimu, nga ndivhelaphanda Yawe.

³⁷ Huno murahu hangei, arali ndo vha ndo divha sa zwine nda divha zwino, nahone nda kona u sedza vhulapfu ha tshifhinga hothe, huno O vha a tshi do vha o ri kha nne, “Ndi tshifhio tshifhinga tshine wa ḥodou tshila khatsho?” Ndo vha ndi tshi do vha ndo ri tshino tshifhinga zwa zwino, hu tshi tou vha madekwana a vhu—vhufhelo ha divhazwakale ya shango, na u da ha Muvhuso wa Mudzimu u tshi do bveledzwa kha lifhasi. Ndi elekanya uri ndi tshone tshifhinga tsha vhugala ha nthesa kha zwikhathi zwe the, ndi zwino.

³⁸ Ri wanulusa hafha uri Israele u vhonwa mulandu nga muporofita, musi Mudzimu o mu ta nahone a mu rumela nda. Vho vhonwa mulandu kha zwivhi zwivhili zwihulu. Huno ri ḥoda u amba nga ha hezwo zwithu zwivhili zwe vha ita. Huno, u bva afho, ri ḥoda u bvela phanda ngazwo. Zwino, vho shandukela Mudzimu, Tshisima tsha madi a tshilaho, huno vha dikorela madamu. Vho shandukela tshithu tshe Mudzimu a vha nea, huno vho divhumbela tshiñe tshe vha ita vhone vhañe. Huno aya madamu, ni dzhiele nzhele, lo no, o vha o no vha na mitwe nahone a tshi khou bvuda.

³⁹ Zwino, damu li re na mitwe li nga si kone u fara madi. Li do bvuda. Ndo aluswa bulasini, huno ndi a divha uri damu la kale ndi mini, na vhuleme ri re naho ngalo.

⁴⁰ Huno damu ili li bvudaho ndi tshi—tshifanyiso tshavhudi nga maanda, ndi a elekanya, tsha lino duvha, zwauri musi (tshashu) tshiñe na tshiñe tshe ra lingedza u ita, u kuvhanganya vhatu huthihi, u kuvhanganya vhatu huthihi, u kuvhanganya zwivhidzo huthihi, zwo vha hone misi yothe siani la ndingedzo dza muhumbulo. Ro lingedza u ita Vhamethodisi vhothe uri vha vhe Baphuthisi, nga ndila iyo inwe, na dinomineisheni dzo fhambanaho. Huno iyo yo vha i si mbekanyamushumo ya Mudzimu, tsha u tou thoma.

⁴¹ Mudzimu u na fhethu huthihi fhedzi ha u ḥangana. O amba hangei kha Bugu ya Ekisodo, zwauri, “Ndo nanga fhethu ha u vhea Dzina Langa, huno ndi hone fhethu hu hothe hune Nda do ḥangana na vhatu.” Huno O nanga fhethu ha u vhea Dzina Lawe. Huno he A vhea Dzina Lawe, ndi he A ḥangana na Israele. U na fhethu hune A ḥangana na tshivhidzo Tshawe namusi, huno

O nanga iło Dzina, huno iło Dzina ndi Yesu Kristo. Huno heneffho ndi hune A ṭangana na mutendi wa ngoho, musi e kha Yesu Kristo. Afho ndi he Mudzimu a nanga u vhea Dzina Ławę.

Ni ri, “Dzina la Mudzimu?”

⁴² O ri, “Ndo ḏa Dzinani la Khotsi Anga.” Ngauralo ndi he Mudzimu a vhea Dzina Ławę, ho vha hu kha Kristo. Huno kha Kristo ndi hune ᶻoře ri nga ṭangana fhasi ha Malofha o shuluwaho, huno afho ra vha na khwerano ya vhukuma, ya ngoho.

⁴³ Mudzimu o ita mbekanyamushumo Yawe u rangani, tsimuni ya Edeni, fhethu hune A ḏo ṭangana na muthu, huno uho ho vha hu si kha vhupfesesi ha muhumbulo; arali two vha two ralo, Efa o vha e ngonani ya mbekanyamushumo Yawe kokotolo. Fhedzi ri a divha uri u ṭanganedza hawe ngelekanyo ya muhumbulo wa Sathane, “Ngoho, Mudzimu ha nga ḏo ralo,” fhedzi Mudzimu o amba uri U ḏo ralo! Huno ngauralo-ha O nanga fhethu ha thengululo, huno ho vha hu nga Malofha, nahone hu si nga ngelekanyo ya muhumbulo.

⁴⁴ Ngauralo ri khou tou phuphuledza, fhedzi hu tou vha nzulele ya muthu uri—uri vhathu vha do lingeda u—u ita izwo. Arali ro vha ri na tshifhinga, ro vha ri tshi ḏo zwi tumukanya zwa bva zwipida zwinzhi, fhedzi a thi ḥodi iyo gunubu. Ngauralo ri do tou lingeda u zwi ita zwi leluwaho nga nđila ine ra kona, “madamu a bvudaho.” Huno ri wana uri vhukumakuma two—two bvelela hafhu, ndi tshifanyiso tshone tsha tshikhathi tshashu tshine ra tshila khatsho, nga ndingedzo dzashu dzořhe.

⁴⁵ Huno a hu na u sa dzhiela n̄tha ndingedzo iñwe na iñwe ye mulanda muñwe na muñwe wa Mudzimu, ane a vhuya a bula Dzina la Yesu Kristo. U tea u hulisewa u vhuya a bula fhedzi Dzina Ławę nga khuliso na thoniph. Huno sisteme khulu dza vhuevangelii dze dza pfukekanya liphasi, na huñwe-vho, kha aya maduvha a u fhedzisela, ndi elekanya, a ri nga ḏo vhuya ra kona u ita uri vhathu vha vhe na mbilu nthihi u swikela ri tshi vha vhea fhasi ha Malofha a Yesu Kristo. Ndi hone fhethu hu hořhe hune ra ḏo vhuya ra tsireledzea.

⁴⁶ A si kale—kale muñwe o mmbidza, a bvaho n̄tha Vhubvaduvha, nahone a ri, “Mukomana Branham, ndi pfa uri vho no pfūlutzshela ngei—ngei Arizona, nahone vha vhumba fhe—fhethu henengei hune ha vha na tsireledzo.” Huno sa izwi ni tshi divha uri Mulaedza u da hani, nahone Murena o mmbudza zwine zwa ḏo bvelela Alaska, na uri fhasi u buđekanya California hu ḏo vha hani, huno ho tou vha nga nđila yeneyo. Vha ri, “Zwino arali afho hu tshi dzinginyea, na zwořhe, fhethu ho vhulungeaho hu ngafhi?”

⁴⁷ Nda ri, “Hu na fhethu huthihi ho tsireledzeaho hune nda hu divha. Ndi kha Kristo. Kha avho vha re kha Kristo, vha ḏo . . .” Ndi hone hu hořhe hune nda hu divha.

⁴⁸ Zwino Yeremia o dovha, a vhidzwa, “muporofita a tswimilaho.” Huno ngauri, ndi a tenda, zwo itaho uri uyu muporofita a tswimile—tswimile, kha ndi ri, ndi ngauri ene sa muporofita (huno Ipfi la Murena li da kha vha u ralo) nahone a tshi khou vhona vhathu vha tshi tshimbila nga maitele avho, huno vha elekanya uri a ngonani tshothe, nahone a hu na iñwe ndila ya u vha shandukisa.

⁴⁹ Ngauri, vho vha vho livha tshothe vhuthubwani, ngauri ri a divha uri ni kaña tshine na zwala, hu si na ndavha uri ni nnyi, ni mini. Huno riñe sa lushaka ro kaña . . . kana ro zwala, kha ndi ri, huno ri tea u kana. Ndi yo amba matshelo, Murena a tshi funa, nga masiari, nga ha Vhuñgungu Ha Mbebo; huno ndi—huno ndi do kwama izwo ngomu afho, uri ri nga si kone u bvela phanda na tshithu. Ri tea u kaña zwine ra zwala.

⁵⁰ Huno arali Mudzimu a ri litsha ra bvela phanda na u shandea hashu ha Vhukriste ñamusi, nahone ri tshi khou shanda vhathu kha izwi zwithu zwine zwa sokou vhidzwa Vhukriste, sa Murathu Moore o vhuya a ri, “U do kombetshedzwa nga u lulama u vusa Sodoma na Gomora, huno a humbela pfarelo nge a i fhisa.” Ndi zwone, ngauri Mudzimu u kha di vha o lugaho. Huno hune ha vha na u sa lulama; zwo—zwo tea nga nthani ha vhukhethwa Hawe na Ipfi Lawe uri A ite uri vhathu vha kañele zwe vha zwala, huno ri do tea u zwi ita hezwo.

⁵¹ Zwino dzhielani nzhele uri vho no Mu tutshela, Tshisima tsha madi a tshilaho, huno vho dikorela madamu.

⁵² Zwino hu nga vha hu na muñwe fhano ane a sa do pfesesa uri damu ndi mini. Damu ndi thannga lo itwaho nga muthu line la lingedza u dzhia vhuimo ha tshidzivha. Ndi tshiñwe tshithu tshe muñwe a gwa. Huno ndi vhangana vha no divha uri damu ndi mini? Ndi zwavhuđi. Ndi zwone, vhathu vhanzhi vha shango fhano ano matsheloni. Ngauralo vha . . . Ndi elelwa damu la kale fhethu, nga ndila ye la vha li ngayo, huno ndo vha ndi tshi anzela u ofha u nwa khalo. Ho vha hu tha—thannga lo itwaho nga muthu. Huno li nga si vhuye la fulufhelwa. Ni nga si kone u fulufhela damu.

⁵³ Zwino tshiñwe na tshiñwe tshine muthu a ita kanzhi a si tshavhuđi nga maanda. Fhedzi u tou fana na Mu—Murena o vhea tshifhinga ngomu—ngomu—ngomu ha muthevhehandu watsho, na lifhasi li tshi mona; nwaha muñwe na muñwe, tshifhinga tshothe li tshi pfuka, duvha liñwe na liñwe, awara iñwe na iñwe, na duvha li tshi kovhela, huno a li vhuyi la kundelwa. Fhedzi watshi dza khwinesa dzine ri nga dzi wana, dzi do kundelwa miniti minzhi kha tshifhinga tsha ñwedzi, hu si na u timatima. Fhedzi, ni a vhona, tshiñwe na tshiñwe tshine Mudzimu a ita tsho fhelela, huno tshine muthu a ita a tsho ngo fhelela. Ngauralo mulandu ni tshi tanganedza tshine muthu a ita, ngeno ni tshi nga vha na tsho fhelelaho?

⁵⁴ Ndo dzulela u amba izwo nga ha riñe vhathu vha Pentekostala. Ni a vhona, ri a divha, huno a ro—a ro ngo bva ngnanani ya ndila, ya Mudzimu, a ri tendi; fhedzi ri a divha-vho uri vhukati hashu ri na vhathu vha lingedzaho u edzisela muñwe muthu. Hovho vhu tou vha vhumuthu. Vha do lingedza u ita hezwo. Vho zwi ita Bivhilini, “Muñwe, ‘ndi wa Paulo,’ ‘ndi wa Silasi,” na zwiñwe-vho. Fhedzi, vho, vho lingedza u edzisela zwe muñwe-vho a ita kana a khou ita.

⁵⁵ Fhedzi mulandu no vha ni tshi nga ḥanganedza nyedziselo ya khole—khole, ngeno thombo dzo dala nga tshithu tsha vhukuma, ngeno “pfulufhedziso yo ḥekedzwa inwi na vhana vhañu”? Mulandu ro vha ri tshi nga ḥanganedza tshiñwe tsha thungo? Mulandu ro vha ri tshi nga dzhia ndaela kana dogima, ngeno Bivhili i Ipfi la Mudzimu li songo vangwaho? Mulandu ro vha ri tshi nga lingedza u engedža kana ra bvisa, ngeno Murena Yesu kha Nzumbululo 22:18, o ri, “Ane a do bvisa Ipfi lithihi Khayo, kana a engedza ipfi lithihi Khayo, mukovhe wawe u do bviswa Buguni ya Vhutshilo”?

⁵⁶ Musi Mudzimu a tshi thoma u vhea lushaka lwa muthu kha lifhasi, O vha vhudza uri vha tshila nga Ipfi Lawe. Zwino Ipfi la Mudzimu li nga tshaini, ni khou pfuka hele Ngalo; huno tshaini yało ndi ya khwinesa kha vhułumani hayo vhu songo khwałhaho lwa tshothe, huno Mudzimu u ḥoda ri tshi vhulunga Ipfi liñwe na liñwe Lalo. Zwino hezwo ho vha mathomo a Bivhili; u tou vunda Ipfi lithihi, zwo mbwandamedza lushaka lwa muthu swiswini la lufu.

⁵⁷ Yesu o da vhukati ha Bivhili, huno A amba uri, “Muthu ha nga do tshila nga tshinnkwa fhedzi, fhedzi nga Ipfi liñwe na liñwe.” Hu si tshipida fhedzi tsha Maipfi, kana fuṭaheṭahe kha ḥana; fhedzi Ipfi liñwe na liñwe, u tou fana na zwe Efa na Adamu vha vha zwone.

⁵⁸ Huno mafheleloni a Bivhili, Nzumbululo 22:18, O amba uri, “Ane a do bvisa Ipfi kha Heyi, kana a engedza Ipfi lithihi Khayo!”

⁵⁹ Ngauralo mulandu ri tshi ḥoda u ḥavhela ngomu Afha mihibulo ya muñwe ya zwithu, ngeno ili li Muhumbulo wa Mudzimu Ene mune nga halo? Ri ḥoda u dzhia zwe A amba. Huno nahone zwo ḥwaliwa, “Ipfi liñwe na liñwe la muthu nga li vhe mazwifhi, huno Langa li vhe Ngoho.”

⁶⁰ Ndi zwone zwo zwa vha zwi zwone nga ha uyu muporofita. Maduvhani a Yeremia, o vha e muporofita, o vha e na Ipfi la Murena. Huno uyu muthu o vha a tshi khou lingedza u ḥavhela tshiñwe Khało, zwino a zwi fulufhelwi. Huno ndi khou fanyisa idzi thannga zwino na idzi sisteme dze ra lingedza u dzhia, na u dzhia vhuimo ha Ipfi la Mudzimu la u thoma.

⁶¹ Ngauri, a hu na tshi nga dzhiaho vhuimo Halo. Ndi Mudzimu. “U rangani ho vha hu Ipfi, huno Ipfi lo vha li na

Mudzimu, huno Ipfi lo vha li Mudzimu. Huno Ipfi lo itwa ñama nahone la dzula vhukati hashu." Huno Vhaheberu 13:8, yo ri, "U a sa shanduki mulovha, ñamusi, na lini na lini." Ri nga kona hani u thuthela Ilo kule? Li tea u vha Ngoho. U dzula a sa shanduki. U a sa shanduki kha tshiñwe na tshiñwe.

⁶² Ndi zwone zwi itaho uri ni diphine Ngalo, vho inwi Vhabaphuthisi na Vhamethodisi, na Vhakatolika na Vhapuresbiterieni, na vhañwe-vho, ni diphina nga uvho Vhuhone. Huñwe, ngomu hanu, no ḥanganedza Mudzimu. Khamusi tshiñwe tshifhinga nga ndila ya vhuṭali, khamusi no pfa Maanda a Mudzimu, nahone ni mulanda wa Mudzimu; fhedzi musi ni tshi da zwa vhukuma kha Mudzimu, nahone na limuwa fhethu hanu Khae, sa murwa kana ñwananyana wa Mudzimu, izwo ndi zwone zwi ñisaho uyo munyanyuwo kha inwi, we Mudzimu a ḥoda ni tshi vha nawo.

⁶³ Zwino ri a zwi dzhieila nzhele kha Marko Mukhethwa, ndima ya 16, Yesu ho ngo ri, "Tshimbilani shangoni lothe, huno—huno—huno ni funze." O ri, "Tshimbilani ni rere Mafhungo-maqifha." U rera Mafhungo-maqifha, ndi, u sumbedza Maanda a Muya Mukhethwa! "Tshimbilani shangoni lothe, huno ni sumbedze Maanda a Muya Mukhethwa."

⁶⁴ Ndi tshi khou amba na murathu, muñwe wa vhalampedzi kha... muñtangano wanga ngei India, ngei Bombay, fhasi ngomu Afurika Tshipembe na fhethu ho fhambanaho, he vharumiwa vha Li funza sa ipfi kana sa kuhumbulele kwa vhuṭali. Fhedzi linwe ḫuvha muñtanganoni, musi Muya Mukhethwa wo tsa, Wone une, huno a tshidza vharema vha fukaho nguvho vha zwigidi zwa furaru kha mbidzo nthihi ya alitari, nahone heneffo kha mavu eneo e vha vha vho ima. Vhasadzi vho ima heneffo, vhe vha vha vhe fhedzi u ḥodou nga musi vha tshi da shangoni, nahone nga tshifhinga tshenetsho tshe vha imisa zwanda zwavho u ḥanganedza Kristo...

⁶⁵ Huno Muya Mukhethwa wa wela afho fhethu nahone wa fhodza vhatu vha zwigidi zwa fumbilithanu nga tshifhinga tshithihi, vha bva kha zwidulo zwa malinga, dzikhotho na mahingo. Muhulwane wa dorobo a ntendela, ḫuvha li tevhelaho, u vhona iyi mihwalo i re dzivenini i tshi tsa na tshiṭaraṭa.

⁶⁶ Vhasadzi vhone vho ima heneffo, vhe fhedzi, vha sa ñivhi uri a vho ngo fuka. Fhedzi nga khathihi fhedzi Muya Mukhethwa u tshi tou vha kwama, vha puta zwanda zwavho vha ḥutshela kule ha vhanna vhavho.

⁶⁷ Huno ndi khou mangala uri zwi da hani riñe Amerika ri tshi ñividza lushaka lwa Tshikriste, nahone Vhuhoneni ha Mudzimu; huno ñwaha muñwe na muñwe ri, vhasadzi vhashu, vha nana u ñibvula. Huno ni tea u vha ni tshi khou anza u fuka. Huno ni tshi fuka vhunzhi ha Kristo, ni do anza u ḥalukanya nyimele dzañu. Tshiñwe tshifhinga ndi tshi vhona ndila ine

vhatu vha difara ngayo tshiṭaratani, ndi a mangala uri zwi tou vha ngonani muhumbuloni kokotolo. Hu tou nga a vha zwi limuwi uri musi vha tshi ita izwo, zwine vha khou ita, vha khou diita tshiunzwedzi tsha diabolo, nahone u rumela mimuya heleni. Ndi zwone. Fhedzi shango li kha u tshinyala sa zwe la vha li zwone mađuvhani a Yeremia.

⁶⁸ Zwino murahu kha damu, zwino, heli damu a li koni u fulufhelwa khalo ngauri a li koni u didadza. Huno li tea u ditika nga mvula dza hayani u li dadza, mvula dza hayani kana mvuseledzo dza hayani, u vha na mvuseledzo ḫukhu hafha na mvuseledzo ḫukhu afho, kana zwiñwe-vho, u li dadza. Ngauralo a li koni u fulufhelwa. A li koni u didadza. A li koni u dieđanya, lone line. A li koni u zwi ita. Huno li tea u ditika nga dzimvula, u li dadza.

⁶⁹ Zwenezwo kha ri dzhiele nzhele hune la-la wana mvula yało, hune la wana mađi ało, damu. A bva n̄tha ha mađulu, magusheteni, hune tshika yothe ine buse la i vhudzulela n̄tha hansei, ya kumbuludzwa nga mvula, huno ya tsela tshothe kha damu, thannga lo itwaho nga muthu. Li vha line la ḫodou nga tivha la tshika. Huno i kumbuludza n̄tha ha dulu hune phukha dzothe, munukho u re dzharaṭani dza mađulu, na zwiñwe-vho, huno wa dzika. Huno muya u vhudzulela buse na zwiñwe ngomu—kha dulu, zwenezwo mvula ya hayani i mbo da huno ya ḫanzwa, tshothe—tshothe, yone mvula.

⁷⁰ Huno zwenezwo mađi a hwälwa nga mukungwa wo itwaho nga muthu nga mulomo wo itwaho nga muthu, kha thannga lo itwaho nga muthu. Huno zwenezwo musi a tshi swika afho, a na tshika, a na tshika lune na tea u vhea galatshane khao, kana no vha ni sa nga a nwi. Zwino, ni a vhona, a kumbuludzwa u bva kha ḫanga, nga mukungwa wo itwaho nga muthu, nga mulomo wo itwaho nga muthu, u dzenahao kha thannga lo itwaho nga muthu. Huno zwenezwo ha vhewa galatshane lo itwaho nga muthu nga n̄tha hayo, u vhona uri zwiñwe zwikhokhonono na zwithu zwi humiselwa murahu.

⁷¹ Zwino, zwino ri dzhiela nzhele, kha mađuvha aya a si gathi nga murahu ha musi mađi o no dzika afho, ngomu ha iyi dinomineithi yo itwaho nga muthu, kana thannga. Mpfareleni. Mpfareleni. Zwo luga. Nga murahu ha musi o no—nga murahu ha musi o no ḫanzwea, nga tshaka dzothe dza pfunzo dza zwa vhurereli na zwithu zwo kumbelwaho ngomu hayo; zwino ri da ra wana uri, musi a tshi dzika afho mađuvha a si gathi, a thoma u ima fhetu huthihi.

⁷² Huno muñwe na muñwe u a divha, kha divhazwakale ya tshivhidzo, musi Mudzimu a tshi rumela tshiñwe tshithuvhho, mulaedza, huno u vha muswa u bvaho Mudzimuni. Zwenezwo nga murahu ha vhu—vhutshilo ha uyo mutumbukisi, kana tshiñwe tshire tshi nga vha tshi tshone; ni mu vhidza

mushandululi, kana tshine na ḥoda u amba nga hatsho. Nga murahu ha lufu lwawe, zwenezwo vha vhumba sisteme nahone vha ita dzangano. Huno vha tshi tou ita dzangano ngayo, li fa henefho. A li tsha dovha la vuwa hafhu. Lo zwi ita tshifhinga tshoṭhe, murahu, murahu henengei.

⁷³ Kha u nea khuliso kha uyu tshifhe wa Katolika o dzulaho afha; musi Mudzimu a tshi dzudzanya tshivhidzo...kana, hu si u tshi dzudzanya, Mudzimu ho ngo vhuya a dzudzanya tshivhidzo. Haho kha lushaka holwo lwa mushumo. U kha mbebo, hu si kha dzangano, ngauralo musi Mudzimu a tshi thoma tshivhidzo nga Duvha la Pentekoste. Huno zwenezwo phedziseloni ngei Nicaea, Roma, vho tshi dzudzanya, huno henefho ndi he tsha xelewanga Maanda atsho.

⁷⁴ Zwenezwo ri tsela fhasi kha tshandululo ya Luṭere, huno tsho vha tshi tshithu tshihulu. Ipfī la Mudzimu lo newa, "O lugaho u do tshila nga lutendo." Huno musi vho no ita, madzuloni a u takuwa, vhoṭhe khathihi, vhoṭhe khathihi nahone vha tshi bvela phanda na u hwanya, vho ita tshivhidzo tsha Luṭere, vha tshi qifhandekanya na itsi tshigwada, huno zwenezwo tsha fa.

⁷⁵ Zwenezwo Mudzimu a tutusa John Wesley, na u kunakiswa, mulaedza wa mushumo wa vhuvhili wa khathutshelo, huno wo vha u tshithu tshi kanukisaho. Fhedzi nga murahu ha Wesley na Asbury, vho u dzudzanya, wa fa.

⁷⁶ Zwenezwo ho bveleta Vhapentekostała na u vhuyedzedzwa ha zwifhiwa. Vho vha vha tshi khou shuma zwavhuđi, ho bveleta mini? Vho u dzudzanya huno wa fa. Hu tou vha ngauralo tshoṭhe.

⁷⁷ Zwino vhukati ha hezwi zweṭhe, Mudzimu u kha di vhidza masalela u bva kha muňwe na muňwe wa iyo mirafho. U khou ralo hu si na na thimothimo. Huno ndi tshifhinga tshashu tsha u bvela nnđa, tsha u kuvhangana. Huno izwo ndi zwine nda humbula, Vhanna Vha Bindu La Mafhongo-madifha O Dalaho vho vha na mukovhe muhulu kha u kwasha idzi mbondo, huno vha tshi khou ri, "A hu na phambano kha riñe. Kha ri kuvhangane nahone ri luvhe Mudzimu fhasi ha ndayo nthihi, hu si fhasi ha dzangano." Arali ho vha hu dzangano, ndo vha ndi tshi do bva kha iyi pułatifomo zwa zwino. A thi na mushumo naļo.

⁷⁸ Zwine zwa vha zwone, hu tea u vha khwerano, hu si khwerano ya inwe ndaela. Fhedzi khwerano kha Kristo, nga maanda a mvuwo Yawe, ndi tshone tshithu tshi disaho Vhutshilo. I disa mbebo.

⁷⁹ Huno phanda ha musi mbebo i tshi da, ri a limuwa uri hu tea u vha na lufu phanda ha mbebo. Huno mbebo ndi tshinyalo, a thi londi uri ndi mbebo ya lushaka-de. Arali i tshitumbani tsha nguluvhe, kana-kana hune ya vha hone, ndi tshinyalo. Huno na Mbebo ntswa yo tou ralo, i ni ita uri ni ite zwithu zwine zwavhuđivhuđi no vha ni si nga humbuli uri ni do zwi ita. Fhedzi musi no dilugisela u fa kha u diđivha, zwenezwo no bebwa hafhu,

tshivhumbwa tshiswa kha Kristo Yesu, zwenezwo zwithu, zwi a vulea nahone vhutshilo vhu thoma u vha mbonalo ntswa kha inwi, ngauri no ḥanganedza Muthu wa Yesu Kristo, nahone hu si kuńwe kuhumbulele kana ińwe ndaela.

⁸⁰ Kana, na kha Ipfi lo ńwaliwaho, Li tea u hanyiswa nga Muya Mukhethwa. A zwi na ndavha uri ni na ndivho ya zwa vhurereli nngafhani, yo lala henefho yo fa. Ndo vha ndi tshi nga vha na goroi yo dadzaho tshanda; u swika i tshi dzhena kha kuitele kune ya do hanyiswa, goroi i nga si vhuye ya tshila. Huno ni nga vha na digirii ya vhudokotela, Ph., LL., tshińwe na tshinwe tshine na tama u tshi ita; fhedzi u swikela Muya Mukhethwa u tshi da khayo nahone wa i hanyisa kha inwi, sa tshenzhemo yanu na Mudzimu, zwenezwo goroi a i na tshavhuđi. U funzea hanu ndi ha fhedzi.

⁸¹ Vhunga uyu Muisimane o amba vhuiwe vhusiku fhano, ndo pfa zwe mmangadza. U funzea hothe he a vha e naho, sa Paulo, o do tea u hangwa zwothe zwe a ńdivha, u itela u wana Kristo, u ita zwithu zwe a humbula uri a nga si zwi ite.

⁸² Fhedzi iyo ndi ndila ine Mudzimu a shuma, U a ri ńtukufhadza kha sisteme yashu ya pfunzo. Hu si uri ndi khou lingedza u tikedza u sa ńdivha, fhedzi ndi khou lingedza u ni sumbedza phambano. Pfunzo i nga si vhuye ya disa Vhutshilo. Zwi dzhia Muya wa Mudzimu u disa Vhutshilo, huno uvho Vhutshilo vhu songo tou bva kha mvuseledzo ya ndivho fhedzi. Vhu tea u bva kha Bivhili, mvuseledzo ya Ipfi, huno ilo Ipfi ndi li sa shanduki mulovha, ńnamusi, na lini na lini. Huno musi U tshi wa ńnamusi, nahone wa hanyisa, ni wana mvelele dzi fanaho na dze na dzi wana kha Mishumo 2. Kokotolo. Wo dzula wo ralo, nahone u do dzula wo ralo, ngauri ndi Muya wa Mudzimu une wa dzudzanya mufhe.

⁸³ Zwi dzhia mufhe u ita zwithu. Ndi ngazwo vhoinwi vhanna ni tshi dzulela u funzwa, “Disani vhana vhanu hafha.” Zwo luga, ndi zwone hu si na na thimothimo. Ndo takalela u vhona ńwananyana wanga, Rebeka, a tshi dzhena nahone a dzula fhasi, miniti i si gathi fhedzi yo fhiraho. Vhainwe vha vhoinwi no mmbona ndi tshi sinyedza musadzi, ho vha hu ńwananyana wanga, ngauralo o da nahone a dzula fhasi. Ndi toda a tshi ḥanganedza ndovhedzo ya Muya, huno ndi ngazwo e fhano muṭanganoni. Hetsho ndi tshone tshipikwa tshawo. Zwi dzhia mufhe.

⁸⁴ Vhunga mukalaha Dokotela Bosworth o vha a tshi dzulela u ri, “Ni nga dzhia gumba la phambo na li vhea fhasi ha tshibwanana, li do thothonya khukhwana.” Mulandu? Ngauri ndi gumba nahone lo wana mufhe wone.

⁸⁵ A thi londi arali ni Mumeθodisi, Mubaphuthisi, Mupuresbiterieni; kha mufhe wone, li do thothonya ńwana wa Mudzimu a re tshibebwa tshiswa, Ipfi li ralo. Ndi mufhe u no zwi

ita, zwi si na ndavha uri ni na tsumbadzina ya dinomineisheni ifhio.

⁸⁶ Ndo vha ndi tshi anzela u lisa kholomo. Ndo dzhieila nzhele mulindadaka musi ri tshi dzi isa dakani, u bva kha—u bva kha mashango a pfulo fhasi ngei mabulasini, huno ra dzi vhea dakani. O vha a tshi ima henehfo huno a sedza musi dzi tshi fhira getheni, luhursti lwa qambuwo. Ho ngo vhuya a thogomela nga maanda tswayo, ngauri ho vha hu na tshakha dzothe dza tswayo dzo pfukaho henehfo. Fhedzi hu na tshithu tshithihi tshe a tshi dzhieila nzhele, tsumbadzina ya malofha. Yo do tea u vha i mbeu vhukuma ya Hereford kana yo vha i si nga dzheni kha ilo daka, ngauri ndi Dzangano la Hereford li fulaho ilo daka. I tea u vha na tsumbadzina ya malofha, uri u fuwa hu dzule hu kha ngona.

⁸⁷ Huno ndi humbula uri ndi zwine zwa do vha zwone nga Duvha la Khatulo. Ha khou yo mmbudzisa arali ndo vha ndi Mumethodisi, Mubaphuthisi, Mupentekostala, kana Mupuresbiterieni, fhedzi U khou yo sedza tsumbadzina ya Malofha. “Musi Ndi tshi vhona Malofha Ndi do ni fhira.” Ndi hetsho tshithu.

⁸⁸ Ngauralo ri wana uri haya madamu, nga murahu ha musi o dzula lwa tshifhinganyana, a vha...a ima fhethu huthihi huno ha vhi avhuđi. Huno zwenezwo hu vha, nahone, hu vha haya ha zwidula na dzitswina na dzinowa na zwikhokhonono na zwitzhili, na zwinwe zwinzhi, ngauri ndi nyimele yo imaho fhethu huthihi yo li sukumedzelaho ngomu hayo. Ni nga elekanya, u kumbuludzwa hu bvaho kha thanga ya dulu, kana kha nndu i re tsini ha dulu, kana hunwe na hunwe hune tshika ya do vha hone, ndi zwikhokhonono na zwitzhili zwa lushakade, na zweithe, zwine zwa kumbuludzelwa ngomu ha ili damu?

⁸⁹ Zwino, ndi tsumbo yo fhelelaho ya lushaka luñwe na luñwe lwa sisteme yo itwaho nga muthu. Tsha u tou thoma, ndi mukundelwi. Ndi ngazwo a tshi tqoda Mutshidzi. Ho ngo kona u ditshidza, ha koni u ita tshithu ngazwo. Tsha u tou thoma, o xela. O bebiwa shangoni, e muvhi, u da shangoni a tshi zwifha. Tsha u tou thoma, ndi muzwifhi, ngauralo a nga kona hani u diitela tshinwe tshithu shangoni? Munna mukhethwa a nga zwi kona hani?

⁹⁰ A hu na muthu mukhethwa. A hu na tshivhidzo tshikhethwa. Ndi Muya Mukhethwa! Hu si tshivhidzo tshikhethwa, vhathu vhakhethwa; ndi Muya Mukhethwa vhukati ha vhathu, ndi zwine zwa vha zwone. Amene. Hu si thavha khethwa he Petro na vhanwe vha ima; thavha yo vha i si khethwa. Fhedzi ndi Mudzimu mukhethwa, kha thavha, zwo i itaho uri i vhe khethwa. Hu si muthu mukhethwa; ndi Muya Mukhethwa u shumiswaho ngomu ha uyo muthu, zwi mu itaho mukhethwa. Hu si muthu; fhedzi Muthu wa Muya Mukhethwa! A si munna; ngauri, u tou

vha munna, “o bebwaho tshivhini, o vhumbwaho tshivhini, a da shangoni a tshi amba mazwifhi.”

⁹¹ Sisteme iñwe na iñwe yo itwaho nga muthu i do mu dzudza ngomu hayo; i do pofudza mañø a ndivho, a ndivho, lune vha elekanya zwauri, “Ndi muraðo wa tshivhidzo, dzina langa li kha bugu. Ndo ita hetshi. Khotsi anga vho vha vhe itshi, na zwiñwevho.” Izwo zwi pfala zwi zwone tshoþe; lune, a hu na, zwine zwi nga ambiwa u lwa nazwo. Fhedzi zwo di ralo, khonani, Yesu o ri, “Nndani ha musi muthu a tshi bebiwa hafhu, ha nga vhuyi a vhona,” vhona, afho, a zwi ambi uri u vhona nga mañø awe, fhedzi, “pfesesa Muvhuso wa Taðulu.” U swika ni tshi bebelwa ngomu!

⁹² Zwo da hani uyu muevangeli wa Baphuthisi, zwo da hani uyo munna o imaho afho huno a sasalandza nahone a tambo Ngawo? Ni a vhona, a hu na tshithu ngomu hawe tshe tsha vha tshi tshi nga vhuya tsha U þanganedza; fhedzi Mudzimu o do tea u zwi ita, ni a vhona. Mudzimu o mu nea Muya Mukhethwa. O vhonadza uri hezwi zwo vha zwi si muhoyo, ili ndi Ipfi. U li pfa fhedzi nga vhuþali ha tshikolo, huno vha lingeda u dzhia pha—phathutshedzo dzoþe dla Mudzimu huno vha dzi vhea kha duvha lo fhiraho.

⁹³ Mureri muþuku wa Baphuthisi, a si kale e fhano, o dzula zwino benefano ano matsheloni; huno o da kha nnø, huno a ri, “Mukomana Branham, hu na tshithu tshithihi tshine vha khou ita tsho khakheaho.”

Nda ri, “Nthuseni.”

⁹⁴ Huno a ri, “Vha a, ndi elekanya uri vha a fulufhedzea nahone vha muthu wavhuði, fhedzi . . .”

Nda ri, “Ndi a livhuwa, muñø wanga.”

A ri, “Fhedzi hu na tshithu tshithihi tshine vha khou tshi khakha.”

Nda ri, “Ndi a fulufhela Murena u tou wana tshithu tshithihi tsho khakheaho.”

⁹⁵ Huno a ri, “Zwo luga, hu na . . . Khetshi tshine vha khou ita tsho khakheaho.” A ri, “Vha khou lingeda u bveledza kha shango mushumo wa vhuapostola, huno,” a ri, “mushumo wa vhuapostola wo guma nga vhaapostola.”

⁹⁶ Nda ri, “Sa Mubaphuthisi kha Mubaphuthisi, ndi ðo tama u ni vhudzisa mbudziso.”

A ri, “Mini?”

⁹⁷ Nda ri, “Ni a tenda uri Ipfi la Mudzimu lo hevhedzwa, tshipida tshinwe na tshinwe tshalo?”

A ri, “Malandu, hu si na na thimothimo.”

⁹⁸ Nda ri, “Zwenezwo, O ri, ‘U songo engedza ipfi lithihi, kana wa bvisa Lithihi.’ Ngauri,” zwenezwo nda ri, “Ndi ðo

ni sumbedza he Phathutshedzo ya vhaapostola ya da kha vhathu, nga pfulufhedziso ya Mudzimu, zwino ntsumbedzeni pfulufhedziso ya Mudzimu na musi we ya t̄uwa kha vhathu. Ni a vhona, arali na sa i bveledza kha Ipfi, zwenezwo—zwenezwo hangwani nga hazwo, ni a vhona,” nda ri, “ngauri I kha di bvela phanda.”

⁹⁹ Ho ngo vhuya a amba tshithu lwa miniti i si gathi. Huno ngauralo nda ri, “Zwo luga, zwenezwo, murathu, ndi tama u ni vhudzisa hezwi. Petro o divhadza mulaedza wa vhuapostola, nga Duvha la Pentekoste. Huno rothe ri a divha uri izwo ndi ngoho, ngauri o vha e na khii dla Muvhuso, dze Yesu a mu nea. Huno zwino sedzani zwe a amba. O ri, ‘Shandukani, muñwe na muñwe wanu, huno ni lovhedzwe Dzinani la Yesu Kristo hu vhe u hangwelwa zwivhi, huno ni do t̄anganedza tshifhiwa tsha Muya Mukhethwa. Ngauri pfulufhedziso ndi yanu, na kha vhana vhanu, na avho vha re kule, na avho vhane Murena Mudzimu washu a do vha vhidza.’ Zwenezwo arali hu na fhethu he A zwi bvisa, zwenezwo ho bvelela mini kha maipfi a Petro nga Duvha la Pentekoste?” Ni a vhona? Hai, a zwo ngo vhuya zwa guma!

Ngwana i funwaho i no khou fa, Malofha Au a
thengo khulu

Ha nga fheli Maanda ao,
U swika Tshivhidzo tsha Mudzimu tshothe
tsho rengululwaho

Tshi tshi tshidzwa, tsha si tsha tshinya.

Zwenezwo nga luimbo lwavhudzi, lu difahao,
Ndi do imba Maanda Au a u tshidza,
Musi ulu lulimi lu sa ri tshithu lu sa koni u
amba, lu kakamelaho

Lu tshi edela lwo fhumula tshaloni.

¹⁰⁰ Mudzimu nthuse u tenda Helo na u Li farelela, na riñe rothe, nahone ra ima Nało, ngauri Ndi Ngoho ya Mafhungo-madifha! Ee, muñe wanga.

¹⁰¹ Munna o talifhaho ho ngo tea u sedza kha izwi zwithu. Huno divhani uri a zwi nga do shuma. A zwo ngo vhuya zwa shuma. Vhurereli ho dzudzanyiwaho ha tshenzhemo yo dzudzanyiwaho a zwi nga do vhuya zwa shuma Vhuhoneni ha Mudzimu. Vhu tea u da, ho kuna, vhu tshi bva ha Mudzimu. A ho ngo vhuya ha shumiswa nga Mudzimu, a ho ngo vha na tshifhinga murahu tshe Mudzimu a vhuya a shumisa sisteme yo raloho. Zwino inwi, oho, ni wana mirađo na zwithu zwi ngaho izwo. Fhedzi ndi amba mbeu ya Mudzimu ya vhukuma, Phathutshedzo i no nga ye ya tsa nga Duvha la Pentekoste, a i vhuiyi ya da nga dzangano; i da nga mbebo, u bebiwa hafhu.

¹⁰² Ro rambiwa u dzhia Israele sa—sa tsumbo, zwe vha vha vhe zwone. Dzhielani nzhele, “Vho Mu tutshela, tshisima tshavho tsho nekedzwaho, huno vho no dikorela madamu.” Ni nga

elekanya tshi—tshi—tshi—tshithu, musi munna e kha tshidzivha tsha mupo, a tshi khou nwa, huno zwenezwo a Ძoda u diitela damu, ni a vhona, u nwa khalo? Zwino izwo ndi zwe muporofita a amba, izwo ndi zwe Ipfi la Mudzimu la amba. Ndi zwe Mudzimu a amba kha muporofita. “No Mpfuralela nahone—nahone no N̄utshela, tthisima tsha mađi a tshilaho; huno no d̄ikorela madamu, a re na mitwe, nahone a a bvuda.”

¹⁰³ Vhonani tshiñwe tshithu. Vho Ძoda tshiñwe tshithu tshine vha nga tshi langa, kana u sumbedzā zwe vha ita. Uvho ndi—uvho ndi vhutsilu ha vhurereli ho dzudzanyiwaho. Vhu dzulela u lingeda, vha tea u vha na tshiñwe tshithu ngomu haho vhone vhañe. Vha tea u vha na idzi sisteme dzothe na dzisosaihi, na zwithu, “Huno ndi murado wa *itshi* zwino.” Madzuloni a u vha vhana vha Mudzimu vha d̄itukufhadzaho, vho Ძoda tshiñwe tshithu tshine vha nga disumbedza ngatsho. Madzuloni a u tendela Mudzimu a tshi ita nga ndila Yawe, vho Ძoda u zwi ita nga ndila yavho. Huno ndi nga ndila ine sisteme dza fara tshivhidzo ñamusi. Hu si... Sisteme iñwe na iñwe, muñwe u zwi Ძoda nga ndila *heyi*, muñwe a zwi Ძoda nga ndila *iyo*. Arali ni Mumethodisi, ni fanelu u vha ene nga ndila *heyi*. Mubaphuthisi, nga ndila *heyi*. Mupuresbiterieni, Mukaṭolika, zwiñwe zwinzhi, vha sisteme dzavho. A thi lwi nazwo hezwo, fhedzi hezwo a si zwine nda khou amba ngazwo.

¹⁰⁴ Muthu u Ძoda ndila yawe ya u zwi ita, huno Mudzimu u na ndila Yawe ya u zwi ita. Huno O ri, “No farelela kha ndila yanu, damu li re na mitwe; huno a ni nga Ძanganedzi ndila Yanga, ndila ya Vhutshilo.”

¹⁰⁵ Huno ndi tshithu tshi fanaho na zwine zwa vha zwone ñamusi. A zwo ngo tou vha na phambano zwiñuku. Humbulani uri ndi vhutsilu-de ha munna a tshi Ძutshela tshidzivha tsha mupo tsha mađi o kunaho tshothe a pupumaho, huno zwenezwo u Ძoda u ya kha damu li re na mitwe le ene muñe a ita, huno a digwela damu, na iyo tshika i re n̄tha ha dulu i tshi Ძanzwetshela ngomu halo, zwenezwo a nwa khalo. Zwa vhukuma hu na tshiñwe tsho khakheaho muhumbuloni wa uyo muthu.

¹⁰⁶ Huno musi muthu a tshi do nambatela kha ku—kuhumbolele kwa vhuhuweleli kwa Luñwalo, madzuloni a u Ძanganedza Muya Mukhethwa une wa khwathisedza Luñwalo nahone wa Lu ita lwa vhukuma kha inwi, hu na tshiñwe tsho khakheaho lwa muya kha uyo muthu. Hezwo ndi zwone kokotolo. Ngangoho, Muya Mukhethwa! Muñwe na muñwe u na Ძhalutshedzo ya Bivhili yawe, zwine na humbula uri ndi zwone. Mudzimu ha Ძodi thuso yanu. Mudzimu ha Ძodi Ძhalutshedzo yanu.

¹⁰⁷ Mudzimu ndi muñalutshedzi wa Ene Muñe. Mudzimu u ita Ძhalutshedzo nga ndila ine A—nga ndila ine A amba uri U do ita. Murena mathomoni o ri, “nga hu vhe na tshedza,” huno ha vha na tshedza. Izwo a zwi Ძodi iñwe Ძhalutshedzo. Ndi zwe Mudzimu a

ita. O ri “musidzana u do vha muthu wa thovhela,” a ralo. Izwo a zwi ṭodi iñwe ṭhalutshedzo. O ri U do “shululela Muya Wawe kha nama yothe,” O ita. A zwi ṭodi iñwe ṭhalutshedzo. Mudzimu u ṭalutshedza Ipfi la Ene Muñe nga u Li khwathisa, na u Li vhonadza, na u Li sumbedza.

¹⁰⁸ Heyo ndi ndila ye muporofita a vhoniswa u vha wa Mudzimu. O ri, “Arali hu na muñwe vhukati hañu, a re wa muya kana muporofita, Nñe Murena ndi do Divhonadza khae nga mabono, nda amba nae nga miloro. Huno zwine a amba zwa bvelela, zwenezwo ni mu ofhe; fhedzi arali zwa sa ralo, ni songo zwi ita.”

¹⁰⁹ Izwo zwi fana na musi Mudzimu a tshi amba Ipfi Lawe, huno muthu a ri, “Ipfi ndi Heli,” huno zwa bvelela nga ndila yeneyo, zwenezwo ndi Mudzimu a no khou zwi ita.

¹¹⁰ Fhedzi arali a tshi ri, “Ndi ndila *heyi*, huno mađuvha o fhira,” mulandu zwi tshi dzhia othe... U swikelela tshinnkwa nga ndala, tshandani tshawe, kha vhana, huno a tshi ṭuwisa khavho; huno vha tshi khou sika. Mulandu no vha ni tshi nga ṭoda u nwa kha damu ngeno tshidzivha itsi tsha mupo tsho vha tshi hone?

¹¹¹ Tshisima tsha Vhutshilo ndi mini zwino? Tshisima tsha Vhutshilo ndi mini, tshisima tsha Madi a tshilaho? Tshidzivha tsha mupo, ri do Tshi fanyisa natsho.

¹¹² Zwino ndi ṭoda ni tshi dzhiela nzhele phambano vhukati ha damu na tshisima tsha madi a tshilaho; tshidzivha tsha mupo, na damu la kale li re na mitwe nnnda hangei lo dalaho zwikhokhonono, dzitswina, zwidula, zwitzhili, na zwiñwe zwinzhi, ni a vhona.

¹¹³ Huno tshidzivha tsha mupo ngetshi. Zwino tshi sedzeni. Tsho ðitika nga tshothe. A ni tei u wana dziñwe sisteme khulu nahone na ñisa tshelede nnzhi khatsho. A ni tei u dzhoinisa mirado minzhi. Tshi tikedza mirado yatsho, ya Muya wa Vhutshilo ngomu hayo, u tshi khou shuma.

¹¹⁴ Dzhielani nzhele madi a bvaho khatsho, maswa, o kunaho nahone a si na tshika. Hu si damu, tshinwe tshithu tsho imaho fhethu huthihi tsho ñwalwaho nga mihumbulo ya mahumi maña, mañanu yo fhambanaho, i no ri, “*Hetshi* ndi tshone, na *itsyo* ndi tshone, na *heyi* ngelekanyo,” na u vouta na u vhidza, huno vha tshi ralo, nahone zwenezwo vha ita dinomineisheni ngazwo. Ndi tsho kunaho nahone tshi si na tshika, Ipfi la Mudzimu li songo vangwaho, li bvaho tshandani tsha Mudzimu. Ndi tshidzivha tsha vhukuma tsha mupo.

¹¹⁵ Dzhielani nzhele, tshiphiri tsha maanda atsho tshi ngomu ha tshone tshine. Muthu a nga si tshi wane. Ndi luñwe lushaka lwa mutsiko, phasi hatsho, lune lwa tshi ita uri tshi sisime.

¹¹⁶ Ndi eelwa musi ndo vha, ndi tshi anzela u vha, mutsireledzi wa vhugalaphukha ha muvhuso wa Indiana. Ndo vha ndi

tshi anzela u fhira, nga ngei Kusini kwa Harrison, tshiñwe tshidzivha, tshipise. Tsho vha tshi tshi anzela u pupuma. Huno tsho tou, oo, tsho vhonala tshi tshi nga tshithu tsho takalesaho. Kana mahaña o vha e mavuni, muxwatu, o xwatuwa, naho ho vha hu tshi rothola, tsho ñi pupuma; he mativha a kale o itwaho nga muthu na dzithannga, e na zwiqula na zweþhe, a vha e nnða heneffo o xwatuwa, e tshiomate.

¹¹⁷ Huno hezwo zwi ya zwa sumbedza dinomineisheni iñwe na iñwe, nga hone u shaea zwiþuku ha Muya kana tshanduko thukhu ya mufhe, dzi ño xwatuwa. Fhedzi tshidzivha tsha Mudzimu tsha mupo, U a—U a sa shanduki mulovha, ñamusi, na lini na lini. Tshi dzulela u pupumisela zwithu zweþhe nnða hatsho nahone tsha zwi sukumedzela nnða. Tsha u thoma, a hu na na tshithu ngomu hatsho. Tshi tshi tou dzhena ngomu hatsho, tshi ño tshi khurumedzela nnða ha ndila.

¹¹⁸ Tshithu itscho tsho vha tshi tshi khou pupuma nga u tou ralo, huno ndo ri, nda dzula heneffo liñwe duvha, nda elekanya, “Ndi a tenda uri ndi ño amba na itscho tshipise, lwa tshikhathinyana.” Nda bvula muñadzi wanga, huno nda ri, “Wo takalela mini? U pupumiseswa nga mini? Khamusi ndi ngauri nyala dzi nwa kha iwe, luthihi nga murahu ha tshifhinga.”

Arali tsho vha tsho kona u amba tsho vha tshi tshi ño vha tsho ri, “Hai.”

Nda ri, “Khamusi ndi ngauri ndi nwa kha iwe.”

“Hai, izwo a si hezwo.”

¹¹⁹ Nda ri, “Ndi zwone, ndi mini tshi u kunakisesaho, u si na na tshika? Ngauralo ndi mini—ndi mini tshi no khou pupuma, tshi no u ita uri u pupume, wo ñala dakalo tshifhinga tshothé, nahone a hu na tshine tshi nga u xwatudza? U khou thamatshela tuyani, huno a hu na tshithu; madi a si na tshika.”

¹²⁰ Arali tsho vha tsho kona u amba na nn̄e, ni a ñivha uri itscho tshidzivha tsho vha tshi tshi ño vha tsho ri mini? Tsho vha tshi tshi do vha tsho ri, “Mukomana Branham, a si nn̄e a pupumaho. Ndi tshiñwe murahu hanga, tshi mpupumisaho.” Huno ndi zwine tsha vha zwone. Ndi ipfi li sa ri tshithu, fhedzi ni a ñivha zwine nda amba.

¹²¹ Huno ndi zwine zwa vha zwone kha tshenzhemo ya u bebwa hafhu. A ni koni u i dzumba. Ndi tshi—tshidzivha tsha madi ngomu hañu, a pupumelaho kha Vhutshilo ha lini na lini. Ni a vhona, hu na tshiñwe tshithu nga hatsho, tshine na si vhe na tshine ni nga ita ngatsho. Thannga dzo itwaho nga muthu dzi nga xwatuwa, na dzone dzi tshi luvheledza mvuseledzo na tshiñwe na tshiñwe; fhedzi muthu a re fhasi ha itscho Tshisima, a no khou tshila ngomu ha itscho Tshisima, ndi masiari na vhusiku! Hai, a ni tei u lindela mvula dzapo na mvuseledzo dzapo. No ñala Ngatsho. “Ndi ño mu nea tshisima tsha Vhutshilo, ngomu hawe, tshi fhufhumaho.” Hu na tshiñwe ngomu Hatsho, tshi re tshiswa

duvha linwe na linwe, tsho kunaho nahone tshi si na tshika. Ndi Ipfi la Mudzimu li songo vangwaho mbiluni na mulomoni wanu, li Dikhwathisedzaho, li tshi Diambela. A thi londi uri kana i khou na, kana mahada a khou wa, ndi mutsho-de, ni kha di vha no takala ngauri Muya Mukhethwa u ngomu afho u tshi fhufhuma. Ndi Maanda o dzumbamaho. Dzhielani nzhele. Oo, tshiphiri tshatsho tshi ngomu hatsho.

¹²² Tshi nea zwa tshone tshine, nga fhedzi, kha nnyi na nnyi a no do nwa nahone a shumisa zwatsho. Zwino a ni nanguludzi, na ri, “Zwo luga, zwino ndi tea u tou ya kha tshivhidzo tsha Methodisi ngauri ndi Mumethodisi, u itela mvuseledzo. Ndi do tea u ya *hangeno*, fhedzi (arali) ndi tshi tea u ya kha Pentekostała ngauri ndi muvusulusi wa Pentekostała.” Ndi khou ni vhudza, musi ni na itsho tshidzivha tsha Madži a sisimaho, itsho Tshisima, musi ni tshi khou nwa khatsho henefho, a hu na phambano, ni nea tshiñwe na tshiñwe tshi fhiraho. Ni takalela u nea fulufhelo la Vhutshilo kha Mukaṭolika, kha Muporotestanti, kha Muyuda, kha a sa tendi, kana tshiñwe na tshiñwe tshine tsha vha zwone. Vhukuma no, vhukuma no wana Tshiñwe ngomu hanu, tshi no khou zwi ita.

¹²³ Ni dzhiele nzhele tshiñwe tshithu nga hatsho, a ni tei u tshi bommba. A ni tei u tshi kokodza, nahone na tshi bommba. Ndo no vhona vhunzhi nga maända ha izwo u swika zwi tshi ntsilinga, hu tshi bommbiwa tshiñwe tshithu; hu tshi lidzwa dzanda la muzika, nahone hu tshi fhufhelwa n̄tha na fhasi, kana—kana dzanda l̄ihulu la mañwalwa ḋoroboni, na zwiga zwi hulu hulu, “Munna wa awara.”

¹²⁴ Hu tou vha na Munna muthihi wa awara, huno uyo ndi Yesu Kristo, A re a sa shanduki mulovha, ñamusi, na lini na lini. Hu tou vha na Mudinda muthihi a bvaho Mudzimuni, huno uyo ndi—uyo ndi Yesu Kristo. Ee, muñe wanga.

¹²⁵ A ni tei u tshi bommba Hetshi, kana u Tshi kokodzela fhasi. Kana, hu si, a ni tei u Tshi dzhoina. Ni tou Tshi dzhia, nga fhedzi. Amene. “Ndi n̄ne Tshisima tsha Madži a tshilaho; no N̄tutshela, u ya na qitela dziñe thannga.” Zwino a ni tei u Tshi bommba, u Tshi bommba, u Tshi kokodza, na u Tshi dzhoina, u Tshi gwa, a hu tshe na tshiñwe-vho. Ni tea u dzhia Zwatsho, nga fhedzi.

¹²⁶ A ni ḫodi iñwe theolodzhi yo itwaho nga muthu sa dzadza la galatshane, tshiñwe tshazwo, u ni vhudza tshine tsha fhira Khatsho, zwe Tsha ita. A hu na. Iñwe theolodzhi ya iñwe sisteme ya pfunzo, vhurereli ha u qita ho lugaho kha *hetshi*, kha *hetshi*, kana linwe damu la sisteme ya vhurereli; a ni i ḫodi. A i tei u vha hone afho. Na vhea dzadza Khatsho, Tshi do li posela n̄tha tuyani. A tshi na mushumo naļo. Tshi tou qitikedza! Ndi Maanda a Mudzimu a sisimelaho kha Vhutshilo. Mulandu muthu a tshi ṭutshela tshithu tshi no nga Itsho, u dzhoina sisteme, zwi fhira zwine ndi nga amba. A tshi ḫodi mañwe madzadza a

galatshane. A tshi a ḥodi. A tshi tei u vha, a tshi tei u fulufhela kha mvula dzapo u tshi ḥadza. Tsho ḥala misi yothe. Amene.

¹²⁷ Munna, ndi vha pfa vha tshi ri, “Ndi tou vha kha mutsiko ḥamusi.” Yawee, nñenñe!

¹²⁸ Oo, ndi a takala u vha a tshilaho Vhuhoneni ha Mudzimu, kana zwithu zwi khou tshimbila nga ngona kana hu si nga ngona. U Vhutshilo hanga. Amene. U Vhutshilo hashu. U Vhutshilo, Vhutshilo ho pfumaho. Ee, muñe wanga. Huno—huno vhonani zwine Tsha ri itela. Maanda atsho na lukuna zwi kha Tshone tshiñe. A tshi ḥodi ndugiselo ya uri tshi shume i bvaho kha damu kana iñwe sisteme.

¹²⁹ Muñwe u ri, “Ndi zwone, garaña yanu ya khwerano ndi ifhio? Kha ri vhone arali ni Mubaphuthisi wavhuđi. Ndi do vhone arali ni na garaña. Kana—kana, Mupentekostała wavhuđi, arali ni wa Vhuthihi, Vhuvhili, Vhuraru, kana—kana na tshiñe—vho.” Ni a vhone, a Tshi ḥodi iñwe ndugiselo ya uri tshi shume. Tshi dzulela u shuma. Ee.

¹³⁰ Ni a divha, ndo vha ndi tshi anzela u vha na ili damu la kale, ndo do tea u shela mađi afho fhasi huno nda gwedzha nda gwedzha nda gwedzha, nga iyí bommbi ya kale i kokodzaho, u a bvisa afho; ni a divha, nda shela mañwe mađi manzhinyana ngomu haļo, huno nda tou shela muduba wa zwikhokhonono na zwithu ngomu, u bommbela zwikhokhonono na zwithu nnđa. Heyo i tou vha ndila ine dziñwe dza idzi mvuseledzo dza sisteme dza vha yone.

¹³¹ Fhedzi, livhuwani Mudzimu, “Hu na Tshisima tsho dalaho Malofha, hune vhatazwivhi vha ḥuvhela fhasi ha muđalo!” A ni vhumbi mirado ya tshivhidzo; ni vhumba Vhakriste ngavho musi vha tshi da kha itsho Tshisima.

¹³² Mulandu ni tshi nga ḥutshela Tshisima tsha mađi a tshilaho, na nwa kha tivha la tshika li no nga ilo?

¹³³ A hu na u bommba; maanda Atsho a ngomu ha tshone tshiñe. A tshi ḥodi phuraimini, ee, muñe wanga, ngauri (Tshone tshiñe) Vhutshilo ha Tshone tshiñe vhu kha Tshone tshiñe. Ndi nga ndila ine mbeu ya Mudzimu ya vha zwone ngomu mbiluni ya muthu. Vhutshilo ha Mudzimu vhu ngomu muthuni, hu si kha tshivhidzo. Ngomu haļu, vhu ngomu haļu, ndi inwi a re na mbeu ya Vhutshilo ngomu haļu.

¹³⁴ Muthetshelo muthihi fhedzi Watsho u ita uri tshaka dzothe dza vhafunzi dzi tende. Vhudzisani tshifhe wa Kaṭolika, vhudzisani Mubaphuthisi, naho hu tshi nga vha mini. Muthetshelo muthihi fhedzi wa aya mađi mahulu o kunaho a mupo, ndi a ni vhudza, zwi a tendisea ūri Ndi Ngoho. Muya wanu u re na ndala, nga ndila iñwe na iñwe, u ita uri a re na ḥora a tende, nga ndila iñwe na iñwe. Zwino arali ni sa khou vha na ḥora... Uyu Mubaphuthisi muļuku, tsha u tou thoma, o vha a sa khou vha na ḥora; fhedzi musi o no vha na ḥora, mađi o

pfala e na muthetshelo wavhudzi nga maanda. Ndi zwone, fhedzi ni tea u vha na dora, “dora lo fhatutshedzwaho,” vhunga Yesu o zwi vhidza zwenezwo. “Mashudu musi vhoiñwi ni tshi pfa ndala na dora la u luga, ngauri ni do fushwa.” Huno Yesu o amba zwenezwo, khonani. Ee, muñe wanga, Ndi Tshisima tsho fhañtshedzwaho kha vha re na dora.

¹³⁵ Mulandu muñwe a tshi do Tshi litsha a dzhia luñwenew? Ni nga takalela hani u litsha tshidzivha tsha mupo na dzhia madi a luñwenew, lwo dalaho zwikhokhonono na tshikafhadzo dza tshaka dzothe dza mihibumbulo yo itwaho nga muthu, zwe Mudzimu a ri, “U engedza lithihi kha Ipfi Lawe, kana u bvisa lithihi la Maipfi Awe, mukovhe wawe u do bviswa kha Bugu ya Vhutshilo”?

¹³⁶ Huno musi Mudzimu o fulufhedzisa zwauri U do khwañhisedza heli Ipfi kha murafho muñwe na muñwe, “Ngauri pfulufhedziso ndi yanu na vhana vhañu, na avho vha re kule, vhunzhi ha vhane Murena Mudzimu washu a do vha vhidza,” mulandu ni tshi nga bommba iñwe bommbo ya iñwe sisteme ye ya tshikafhadzwa lwa minwaha, i bvaho kha manwe mana? Khamusi mana o vha o luga, a thi a sandi, mađuvhani a Martin Luther, mađuvhani a *aya* na mađuvhani a *ayo*, na vhañwe vhashandululi, a hu na tshiñwe nga hao; fhedzi ayo ndi mana e a wa kale—kale.

¹³⁷ Arali ra dzhiela nzhele Bivhilini, zwauri vho do tea u a doba duvha liñwe na liñwe. Vho do tea u wana maswa. Nga murahu ha musi o no vha a kalenyana, o sina. A nga si sine nga nnđa ha u kwashekana. A tea u vha na zwitzhili ngomu hao, kana tshiñwe tshithu u—u itela uri a sine. Ri a ñivha uri a zwe.

¹³⁸ Huno zwe ralo kha dzisisteme! Nga murahu ha musi yo dzula afho u bva kha iñwe mvuseledzo khulu u ya kha iñwe, huno ya tshikafhala nahone ya ñala zwikhokhonono, nahone vhunga damu lo dalaho zwidulanyana, sa zwe ra anzela u zwi vhidza zwone, zwikhokhonono zwiñku zwa kale zwe zwa tala—tala ngomu afho.

¹³⁹ Huno izwo ndi zwine zwa dina malugana na tshenzhemo ya vhatu vhanzhi ñamusi. Vho—vho tou ñala zwidulanyana, zwi talaho u bva kha tshiñwe u ya kha tshiñwe, na tshiñwe tshi tshi ya kha tshiñwe, vha tshi amba zwitòri zwi si na Ngoho ngomu hazwo na kathihi. Ndi zwone, vha tshi tala u bva kha tshiñwe u ya ngomu ha tshiñwe. “Ndo vha ndi Mumethodisi; ndo dzhoina Baphuthisi. Ndo vha ndi Mukatolika; ndo ya u vha *itshi*. Nda ya u vha *itsho*.” Zwi tou vha zwidulanyana. Oho, hangwani zweñke!

¹⁴⁰ Huno idani Tshisimani, amene, Tshidzivha tsha mupo, Vhuhoneni ha Kristo vhu tshilaho tshoñhe! Ndi a Mu tenda sa Tshisima tshi sa xi tsha Vhutshilo. U tshi ñi wana zwe engedzeaho zwi bvaho Khae, tshi engedzea u vha tshiswa, huno tsha engedzea u rothola, nahone tshi engedzea u vha khwine,

nahone tsha pfala tsho engedzea muđifho. Ndo no vha wa u Mu shumela lwa miňwaha ya furaruraru zwino, huno ɖuvha liňwe na liňwe li engedzea muđifho u fhira zwe ɖuvha lo fhiraho la vha li zwone. A tho ngo vhuya nda... O ri a ni nga do vhuya na farwa nga dora arali ro nwa aya Mađi. Dzhielani nzhele uri Ndi mahulwane hani. Oo!

¹⁴¹ Israele vho ita sa zwine vhanzhi vha ita ñamusi, vho ḥutshela tshisima tsha mađi a tshilaho, u yo u ɖigwela madamu.

¹⁴² Zwino ri tshi amba nga ha khathutshelo lwa tshikhathinyana, ndi khathutshelo-de ya Mudzimu. Ri na milayo na milayo i songo khunyeledzwaho, "Huno arali ni sa swikelei itshi tshiimo... ndi na muelo wa vhurereli; arali ni sa swiki kha itsho, tshine na tea u swika khatsho, a ni koni u dzhena ngomu," na zwiňwe-vho. Fhedzi Mudzimu u ri tshidza nga khathutshelo, hu si nga muelo. Ni a vhona? Fhedzi Mudzimu, a tshi khou amba nga ha khathutshelo zwino, uri izwi zwe da hani uri zwi itee, u nwa Khae. Kha muelo hoyu...

¹⁴³ Gungula, Israele a gungulaho. Sedzani, O ri, "Huno Ndi do u dalela hafhu." Dzhielani nzhele kha Luňwalo. Dzhielani nzhele, U khou ya u vha linga, u vha dalela hafhu. Israele a gungulaho, Lwanzheni Lutswuku, o rambiwa u Mu tevhela vhukati ha mađi a Egipita o imaho, u vha vhathu vho vhofholowaho. Vho vha vhe dziphuli. Vho vha vho rambiwa u pfukela seli uri vha vhe vhathu vho vhofholowaho, Nae. Vho pfuka lwanzhe lwo faho, lwanzhe lwo faho; Lwanzhe Lutswuku, kha ndi ralo, vho pfuka khalwo, u ya sogani, u ɖisa khethekanyo vhukati havho na vhaedziseli vha tshi khou lingedza u zwi edzisela, hu si na u ruba.

¹⁴⁴ Oho, hezwo ndi zwe zwa vhanga khakhathi. Muňwe na muňwe wavho o lovha afho soga... kana afho—afho lwanzheni, Farao na mmbi yawe. Vho vhona vhathu vha tshi tshimbila nga Maanda a tsiko ya n̄thesa, ngauralo vha huma nahone vha lingedza u zwi edzisa, ngeno vha songo katelwa kha phađhutshedzo. Huno musi vho no ralo, vho lovha. Ndi mbambedzo ya ñama.

¹⁴⁵ Munna ane a lingedza u ita izwo, a lingedza u edzisela tshiňwe tshithu, zwenezwo u khou ita mbambedzo ya ñama ya Mukriste wa vhukuma.

¹⁴⁶ Murathu wanga wa Muindia hangei u a zwi ɖivha. U bva tsini na Bombay huno ni do vhona vhathu henengei, Vhahindu na vhaňwe-vho, vho shuvhama kha zwipoko na n̄tha ha... vha tshi khou tshimbila kha ngilasi nahone—nahone vha tshi khou tshimbila muliloni, u sumbedza zwine vha nga ita, na zwithu zwi ngaho... Ndi dzone nyedziselo dza ñama dza muňwe munna murahu maťakani hangei, u khou ita hezwo u itela mudzimu wawe tshithavhelo.

¹⁴⁷ Ri wana hezwo vhutshiloni hothe ha vhurereli, nyedziselo dza ñama, muňwe a tshi lingedza u fana na muňwe. Hu na

tsumbo nthihi fhedzi ine na tea u fana nayo, ndi u fana na Yesu Kristo, We a vha e Ipfi. Huno zwenezwo musi Ipfi la Mudzimu li tshi da kha inwi, zwi do vha nga ndila yeneyo.

¹⁴⁸ Fhedzi Mudzimu o vha khadela shangoni lo fulufhedziswaho, naho zwo ralo. Vho wana, nahone-vho, thannga linwe na linwe, musi vha tshi thoma u pfukekanya sogani lwendoni lwavho zwino, nga murahu ha musi vho no fhandekana, vho wana uri thannga linwe na linwe lo vha lo oma, khavho.

¹⁴⁹ Huno ni do wana tshithu tshenetsho tshithihi, murathu, musi ni tshi thoma ulu lwendo lwa u ya Shangoni lo fulufhedziswaho. Ni do wana mahothi o valwa. Vhunga ula mureri mułuku o ri, Muangilikheni, kana zwe a vha e zwone, huno, tshithu tsha u thoma ni a divha, tshivhidzo tshawe tsho mu khaula. Ni a vhona, sa izwo o vha o no vha na vhanzhi vho tanganedzaho Muya Mukhethwa, hezwo ho vha hu u fhela hazwo.

¹⁵⁰ Huno—huno Israele o wana tshithu tsho raloho, sa dzitsumbo, lwendoni lwavho lwa u ya shangoni lo fulufhedziswaho. Thannga dzo vha dzo xa dzothe. Ee, lwendo lwavho nga u thetshelesa Ipfi Lawe lo fulufhedziswaho, lwendo lwavho, dzithanngani, dze vha wana dzo xa. Zwino vho wana thannga—thannga dzo vha dici sa fulufhelwi, u itela lwendo.

¹⁵¹ Huno arali ni tshi do fara lwendo nga u thetshelesa Ipfi la Mudzimu, huno na lingeda u dzhoina *hetshi* na dzhoina *itscho*, ni do wanulusa uri a hu na thannga shangoni i no do Li tikedza. Na kathihi. Ni tou vha muthu o diimisaho. Mudzimu u ni khada nga ndila ine A ḥoda u ni khada. Zwenezwo, ro wana tshithu tshenetsho tshithihi ḥamusi, huno thannga dzothe dzo xa.

¹⁵² Fhedzi pfulufhedziso, dici dzula dici ngoho, kha Mudzimu Ane a do vhulunga pfulufhedziso Yawe kha vhatu Vhawe. O fulufhedzisa u nekedza zwe the zwine vha zwi ḥoda, ngauralo O zwi ita. Vhukati ha thannga dici si na tshithu, dzo xaho, itonu zwi humbula; huno Israele a tshi khou gungula, sogani, lwendoni lwavho! O vhidza murangaphanda Wawe wa vhalanda, muporofita Mushe, nn̄da thungo luthihi, huno a vula tshisima tsha madi a tshilaho, nga Tombo lo rwiwaho, u itela uri vhana Vhawe vha tendaho vha si lovhe.

¹⁵³ Kha lino ḫuvha, izwo zwi amba khathutshelo, kha nne. A zwo ngo ri fanela. Nga ndila ye ra ita, nga ndila ye ra tshila, a zwo ngo ri fanela.

¹⁵⁴ Fhedzi Mudzimu, kha lino ḫuvha, vhunga heneffano matsheloni ano, sedzani, kha Mumethodisi, Mubaphuthisisi, Mupuresbiterieni, Mukaṭolika, na vhothe, O vula Tshisima. Vhaheberu 13 i sumbedza heli, uri U a sa shanduki mulovha, ḥamusi, na lini na lini. Ngauralo zwi—zwi ita uri, Yohane 3:16, i vhe ngoho, “Ngauri Mudzimu o funa shango zwingafhangafha,

lwe a nea Murwa wawe mubebwa e ethe, uri vhothe vha Mu tendaho vha si lovhe, fhedzi vha vhe na Vhutshilo ha lini na lini.”

¹⁵⁵ Huno yo fhahewa u itela zwanzhi, ngauri vhathe vha vha tshi khou gungula nahone vha tshi khou ita zwivhi, huno vho luñwa nga ñowa nahone vha tshi khou lovha; huno u itela khangwelo ya zwivhi zwavho, na phodzo ya vhulwadze havho.

¹⁵⁶ Huno itsho ndi tshenetsho Tshisima tsho vuletshelaho riñe ñamusi, u itela tshidzo yashu na phodzo yashu, phodzo ya mivhili. “Ngauri U a sa shanduki mulovha, ñamusi, na lini na lini.”

¹⁵⁷ Huno musi Tombo le la rwiwa nga Ipfi la Mudzimu lo fulufhedziswaho, le a laedza, Lo vha li tshi khou bveledza milambwana ya mađi o kunaho a si na tshika; hu si—hu si o imaho fhethu huthihi, hu si o tshikafhalaho, fhedzi Vhuhone ha Mudzimu Ene muñe. Mađi o kunaho, huno o tshidza vhothe vhe vha nwa. Zwino ri a divha uri izwo ndi ngoho, ngauri ri a zwi vhalha kha Testamente Ya Kale, sa tshifanyiso.

¹⁵⁸ Zwino, a no ngo tea u a kokodza, u a bommba, u a dzhoina, u ya kha seminari u guda uri a shumiswa hani. Vha do ni vhudza uri a shumiswa hani henengei, ni a vhona, “Oho, ndi zwone, inwi, arali no ṭanganedza Muya Mukhethwa, ri a zwi tenda, fhedzi ngauralo ni—ni zwi ita nga ndila *heyi*.”

¹⁵⁹ Fhedzi, ni a vhona, a hu na ndango yazwo. A ni shumisi Muya Mukhethwa; Muya Mukhethwa u shumisa inwi, ni a vhona. Ni a vhona, a ni tei, a ni tei u shumisa Muya Mukhethwa; Muya Mukhethwa wo ni wana. Mpho a si tshithu tshire na dzhia, sa lufhangha, na tuṭula penisela ngalwo. Ndi u diñekedza kha Mudzimu, na u dibvisa ndilani uri Muya Mukhethwa u kone u ni shumisa.

¹⁶⁰ Dzhielani nzhele, a vho ngo vhuya vha tea u a bommba kana u a kokodza, kana a vho ngo vhuya vha tea u vhudzisa, “Zwino ri shumisa hani aya mađi?” Ngauri, vho divha uri a shumiswa hani. Vho vhe na dora. Vho divha zwe vha tea u ita ngao.

¹⁶¹ Huno zwo ralo kha munna kana musadzi, mini, zwi si na ndavha uri ndi wa ndaela kana dinomineisheni ifhio. Arali e na dora la Mudzimu, ha tei u gidimela murahu kha seminari, vhunga zwe uyu murathu wa Angilikheni a ita, kana murathu wa Muburitishi, vhusiku ho fhiraho, o do tea u ya murahu huno a ṭola uri hani, kha tshivhidzo tsha Angilikheni, uri u fanela u shumisa hani iyi mpho khulu ye a i wana, u amba nga dzindimi, na uri u fanela u ita *izwi* hani. Tsha u thoma, vha do mu rahela nnda. Ni a vhona? O vha e na dora, ngauralo Mudzimu o tou mu dadža. Ndi zwenezwo fhedzi zwi re khawo. Ndi u vha na dora, huno zwenezwo U tou dadža.

¹⁶² A ni tei u vha na inwe ndango, muñwe a ni vhudza zwine na tea u ita ngawo. Mudzimu u khadela muthu muñwe na muñwe ndi—ndilani ine A ṭoda ni tshi ita. Ni mu—muthu, inwi muñe. Ni

tshipiда tsha Mudzimu. A hu na ane a nga dzhia vhuimo hanу. Nahone a hu na ndila ya u ya kha muňwe, huno zwino na ri, ndi do tea u “ita *hezwi ngawo*,” kana ndi tea u “ita *izwo ngawo*.” Hai, muňe wanga. Mudzimu u u shumisa nga ndila ine—ine A ḥoda. Musi ni na ḥora, ni ḥivha u nwa two linganaho.

¹⁶³ Huno arali ni na ḥora ano matsheloni, inwani Khawo, ndi zwone fhedzi zwine na tea u ita. Mudzimu o vha ḥea ndila ya ḥora ḥavho, vhana vha re na ḥora la u wana mukovhe wa Ene muňe vho vhofholowa. Huno Mudzimu o ḥea ndila kha munna na musadzi muňwe na muňwe ano matsheloni, a re na ndala na ḥora. Khamusi hu na vhatu vho dzulaho afha, vha sa athu vhuya vha tshidzwa. Hu na vhatu vho dzulaho afha vha re lukomboni lwa u tshidzwa.

¹⁶⁴ Hu na vhatu afha, vho dzulaho afha sa mirađo ya tshivhidzo, ni ḥoda u ita two lugaho, fhedzi ni khou nwā thanngani. A vha nga ḥo vhuya vha ni vhudza aya Mafhungongoho.

¹⁶⁵ Tshithu tshi re hone, u ḥa, ndi u dzhia pfulufhedziso ya Mudzimu huno na da Tshisimani itsho, zwenezwo U do tusa ḥora. “Ane a nwa Tshisimani itshi ha tsha ḥo pfa ḥora hafhu.”

¹⁶⁶ Dzhielani nzhele zwino nga ndila ye—nga ndila ye A vhofholola Vhawe—vha re Vhawe vho ḥanganedzaho aya madi, nga khathutshelo, huno hu si nga sisteme kana damu la pfunzo. U khwařisedza Ipfi Lawe, ndi tshiko tshi neaho Vhutshilo. Ndi vhangana ngomu hafha vha ḥivhaho uri vho ḥanganedza Vhutshilo musi vho no dzhia ilo Ipfi na madi Awe, ni ḥivha fhedzi uri no ḥanganedza Vhutshilo? [Tshivhidzo tshi ri, “Amene.”—Mudz.]

¹⁶⁷ Kha ri dzhie, tshidzivha, sa tsumbo, inwe tsumbo-vho, kana mbili, huno zwenezwo ndi khou ya u vala nga tshikhathinyana. Ndi—ndi tea u vha na iyo gunubu huiwe fhethu. Fhedzi dzhielani nzhele. Ndi dzulela u amba, fhedzi a thi tami u ralo. Vhonani, kha ri dzhie sa tsumbo, vhatu vha si gathi fhedzi.

¹⁶⁸ Kha ri dzhie musadzi damuni la Yakobo, tshidzivha tsho gwiwaho. Ngoyo o vha o dzula henefhalā. Ndi zwone fhedzi zwe musadzi a ḥivha, ndi heli damu le a ḥa u wana madi. Huno nga heneffo thungo ha tshidzivha o wana, vuponinyana heneffo, Munna o dzula heneffo, Muyuda. Huno o vha e Musamaria, ndi mudi wa Sikara. Huno ri wana uri uyu Munna, hoyu Muyuda, o amba Ipfi li songo ḥoweleaho kha uyu musadzi, a ri, “Mphe tshinwiwa.”

¹⁶⁹ Zwino a ri, “Ri na tshitalula. A si—a si zwone U tshi mmbudzisa mbudziso i no nga iyo; Iwe u Muyuda, huno nne ndi Musamaria.”

¹⁷⁰ A ri, “Fhedzi arali wo vha u tshi ḥivha We wa vha u tshi khou amba nae, wo vha u tshi do Nkhumbela tshinwiwa, huno Ndo vha ndi tshi ḥo u ḥea madi ane wa sa ḥo tea u ḥa kha ili damu

u a nwa; tshi ḍo vha tshidzivha tsha mādi a pupumaho ngomu hau.” Dzhielani nzhele musi o wana uri hezwi zwi sumbedza u vha Ngoho!

¹⁷¹ Zwino, tsha u thoma, muthu muñwe na muñwe o vha a tshi nga vha o amba izwo. Fhedzi o ri, “U ri luvhani ngei Yerusalem, huno ri luvha kha iyi thavha.”

¹⁷² A ri, “U tshidzwa ndi ha Vhayuda. Ri divhha tshine ra tenda. Fhedzi,” a ri, “i ri Nne ndi u vhudze tshithu tshithihi,” nga maipfi a no nga aya, “hu si kha ino thavha, kana Yerusalem. Tshifhinga tshi khou da tshine muthu a ḍo luvha Mudzimu e Muyani na nga Ngoho, ngauri Khotsi u ḍoda vha u ralo.” A ri, “Tshimbila u vhidze munna wau huno ni ḍe fhano.” Sedzani, hafha zwo zwi bvisela khagala. Hafha zwi sumbedza tshisima tshe a vha e khatsho. A ri, “Tshimbila u vhidze munna wau huno ni ḍe fhano.”

A ri, “A thi na na munna.”

¹⁷³ A ri, “Wo amba ngoho.” Ni a vhona, zwo vhonala unga ndi khanedzo i re khagala kha zwe A mu vhudzisa, huno a ri, “Tshimbila u vhidze munna wau.”

A ri, “A thi na munna.”

¹⁷⁴ A ri, “Wo amba ngoho.” A ri, “Ngauri wo no vha na vhaṭanu, huno ane wa khou dzula nae zwino a si wau.”

¹⁷⁵ Sedzani uyo musadzi, nga ndila ye a fhambana na vhotshifhe vha ilo ḍuvha! Vhotshifhe vha ilo ḍuvha vho vhona tshenetsho tshithihi tshi tshi bvelela, huno vha ri, “Itsho ndi diabolo, u vhala muhumbulo, kana—kana Belesebulu.” Ni a vhona, vho kundelwa u vhona Ipfi li tshi zwi fulufhedzisa.

¹⁷⁶ Fhedzi uyo musadzi muṭuku o vha a tshi divhesa Luñwalo u fhira muñwe na muñwe wa vhotshifhe. O ri, “Muñe wanga, ndi a ṭalukanya uri U muporofita. A ro ngo vha na muthihi lwa miñwaha ya mađana maña, u bva kha Maleaxi. Fhedzi,” a ri, “ro lavhelela muñwe, nahone ri a divhha uri hu na Muñwe a no khou da, Mesia. Huno musi A tshi da, hezwi zwi ḍo vha zwine a ḍo ita.”

Yesu a ri, “Ndi nn̄e Ene.” Amene.

¹⁷⁷ No zwi dzhieila nzhele, o tutshela bakete lawe damuni la Yakobo, a gidimela muđini; o ḍala tshidzivha tsha mupo! O tshi vhona tsho khwathisedzwa zwavhuđivhuđi, huno O vha e itsho Tshisima tsha Vhutshilo. I ri ni ndi mu divhadze kha inwi. O tshi tutshela; musi O sumbedzwa u vha Ipfi la Vhutshilo. O tshi tutshela; huno o ḍo wana uri Tombo lenelo, le la rwiwa sogani, ja sumbedzwa u vha hone nga itsho tshifhinga.

¹⁷⁸ Kha ndi ri, Mudzimu onoyo we a vha e hone mađuvhani o fhiraho, ane ra amba nga maanda nga hae, U hone fhano zwino; hu si nga kupfesesele kwa theolodzhi, fhedzi nga nđivho yashu ya khwathisedzo Yawe uri U ḍo shululela kha aya mađuvha a u fhedzisela, Muya Mukhethwa kha tshivhidzo Tshawe. A si

“Ndo vha.” U kha di vha “NDI NNE,” tshifhinga tsha zwino, misi yothe.

¹⁷⁹ Zwenezwo damu lo xeletwa nga muthetshelo wało. Huno muthu muňwe na muňwe u ralo ane a vhuya a wela kha maanda a Mudzimu, nga ndovhedzo ya Muya Mukhethwa, sisteme dza dinomineisheni dici xeletwa nga muthetshelo wadzo. A ni tsha Ძoda zwa zwiđula zwe imaho fhetu huthihi, na tswina, na zwikhokhonono, na zwiňwe-vho. Ni khou nwa kha Tshisima tshi re tshiswa nahone tsho kunaho, Ipfi la Mudzimu, liswa awara iňwe na iňwe muyani wanu. U fana na zwino, musi Ipfi lo no sumbedzwa u vha Ngoho, thetshelani nahone ni vhone arali li si lone.

¹⁸⁰ Naho damu lo fusha tshidzivha tshalo, lo fusha tshifhinga tshatsho zwavhudi; fhedzi, ni a vhona, Tshisima tsha Vhutshilo tsho vha tshi hone, hu si tshidzivha tsha Yakobo na luthihi, u nwa lwa myua. Zwe vha elekanya, arali vho nwa tshidzivhani itsho, mulandu, zwe vha zwi tshi do vha zwe luga; fhedzi zwino Tshisima tsha Vhutshilo Tshone tshiňe tsho vha tsho dzula henehfo.

¹⁸¹ Zwino a ri Ძodi dzisisteme na madzangano e ra vha nao. Ri kha tshifhinga tsha vhufhelo. Huno Mudzimu o fulufhedzisa, kha tshifhinga tshino tsha vhufhelo, zwithu zwine A do ita. Huno ri zwi vhona zwi tshi khunyeledzwa, kha Ipfi. Ri pfa munna wa maanda a mmbi, a tshi takuwa, nahone a tshi khou tetemela, huno a tshi ri, vha, “Tshiňwe tshithu tshi tsini na u bvelela.” Ri pfa Muya Mukhethwa u tshi ri tsivhudza uri tshiňwe tshithu tshi tsini na u bvelela. Ri vhona tshiňwe na tshiňwe tsho dzula nga ngona. Zwenezwo, Ძutshelani iyo sisteme nahone ni de Tshisimani. Ee, muňe wanga.

¹⁸² Tsho shuma mushumo watsho, fhedzi zwino o vha o livhana na Tshisima Tshone tshiňe.

¹⁸³ Kha Yohane 7:37-38, Yesu o ri maduvhani a u fhedzisela a munyanya wa thaberenakele (O ri mini?), “Arali muňwe e na ḫora, kha de kha Nne, huno a nwe.” Henehfo vhukati ha tshigwada tsha vhoratheolodzhi! “Arali muňwe a pfa ḫora, kha de kha Nne, huno a nwe. Ngauri Maňwalo o ri, ngomu Hawe hu do ela milambo ya Madi a tshilaho.”

¹⁸⁴ Khetsho Tshisima tshi tshilaho. Hetsho ndi Tshisima tshe vhathu vha tshi Ძutshela namusi. U itela ndaela, vho Ძutshela Tshisima tsha Madi a tshilaho. I ri ni ndi ni ḫivhadze Ene. U, kha nne... Huno ndi khou vala.

¹⁸⁵ U, kha nne, ndi itsho Tshisima tshe tsha tshidza vhutshilo ha Hagara, na ḫwana, musi vho vha tshi khou lovha sogani.

¹⁸⁶ Ndi a tenda uri U ilo Tombo, kha Yesaya 32, U ilo Tombo kha shango lo netaho. U mushasha tshifhingani tsha ḫumbu.

¹⁸⁷ Sakaria 13, U Tshisima tshe tsha vulea Nquni ya Dafita, u itela tshivhi. Ndi Mu tenda u vha izwo. A ni ralo? [Tshivhidzo tshi ri, “Amene.”—Mudz.]

¹⁸⁸ Kha Pesalema 36:9, U tshisima tsha Dafita tsha Vhutshilo. U Mađi o dzikaho a Dafita, na mafulo madala. U Mađi thungo ha kudangwana, u itela Dafita.

¹⁸⁹ Kha Genesi 17, U khana ya Abrahamu i kanzwaho, El Shaddai. Fhedzi musi vhutshilo hawe ho no ḥuwa khae, o ḫi... Mudzimu o ralo.

¹⁹⁰ “Munna wa miñwaha ya qana, ili fhungo li do itea hani? Ndo kalaha, mufumakadzi wanga o kegula, izwi zwithu zwi nga itea hani?”

¹⁹¹ O ri, “Ndi nne El Shaddai.” Zwino, *El* ndi “yone,” huno-huno *Shaddai* ndi “khana,” nahone Shaddai ndi vhunzhi, zwine zwa amba uri “Ndi Mudzimu a re na khana.”

¹⁹² Vhunga lushie lu no khou dzindela nahone lu tshi lwala, huno nungo dzalwo dza bva khalwo, lwa qitika nga marumbi a mme nahone lu tshi wana nungo dzalwo murahu. Zwa vhukuma. Hu si fhedzi... Musi lu tshi khou mama, a lu tsha dzindela. Kha khana ya mme, lu a fushea musi lu tshi khou wana nungo dzalwo.

¹⁹³ Huno muthu muriwe na muriwe ane a do dzhia pfulufhedziso ya Mudzimu mbiluni yawe, uri, “Pfulufhedziso ndi yañu, na vhana vhañu, avho vha re kule, vhanzhi vhane Murena Mudzimu washu a do vha vhidza,” huno ni dzule henefho khaļo nahone ni wane nungo dzanu murahu. Nwana a dzindelaho, zwi tendeni! Ndi zwa vhatendi.

¹⁹⁴ Kha murendi a tendaho, ndi nga humbula nyimbo nnzhi dze vharendi vha ri wanelo dzone. Nga tshiñwe tshifhinga luñwe lwadzo lwo ri, O...

Hu na Tshisima tsho ḫalaho Malofha,
A bvaho tsingani dla Emanuele,
Musi vhaftazwivhi vho mbwandamelaho fhasi
ha mudalo,
Vha tshi ḫanzwa dondo ḫothe ḫa milandu yavho.

Lila fobvu li faho ḫo takalela u vhona
Itsho Tshisima ḫuvhani ḫalo;
Henefho ndi, naḥo ndi muvhī sa ene,
Tanzwe zwivhi zwanga zwothe.

Huno tshe nda vhona ulwo ludambwana nga
lutendo
Ntho dzau dici elaho dici tshi ḫekedza,
Lufuno lwa thengululo lwo vha ndivho yanga,
Huno lu do ralo u swika ndi tshi fa.

¹⁹⁵ Kha nne, ndi Ene Mađi a Ipfi ḫa Khethekanyo, ane a ni fhandekanya na tshiñwe na tshiñwe tsho fhambanaho na Ipfi

Lawe. Ndi tshone Tshisima ndi Mu tendaho u vha tshone. Ee, muñe wanga. Itsho, Ndi Mađi o mphandekanyaho na madamu o itwaho nga muthu, u vha kha Tshisima tsha Mađi a tshilaho. Oo, khonani, ndi nga tou . . . Ni nga tou ya phanda na phanda, na zwithu zwine—zwine A vha zwone kha rine! Ndi Ene Alfa, Omega. Ndi Ene Mathomo, ndi Ene Vhufhelo. Ndi Ene We a vha, a re, nahone a do da. Ndi Ene Mudzi na Dadzwane la Dafita. Ndi Ene Naledzi ya Mutsho. Ndi Ene zwanga Zwothe kha zwothe.

¹⁹⁶ Huno, murathu, khaladzi, arali ni sa athu vha na tshi—tshi . . . No vha ni tshi khou nwa kha ili thannga lituku lo itwaho nga muthu, vhutshiloni hanu hothe, mulandu matsheloni ano ni sa tutsheli ilo thannga huno na da kha itshi Tshisima?

¹⁹⁷ Kha ri kotamise zwifhađuwo zwashu lwa tshikhathinyana. No kotamisa zwifhađuwo zwanu . . . [Khaladzi u thoma u imba nga lunwe luambo. Hu na tshikhala kha theiphi. Muniwe u nea thalutshedzo—Mudz.] . . . nga muhumbulo wanga, u vhidzelwa alitarini. Ndi vhangana zwino?

¹⁹⁸ Ndo—ndo vha ndi na mazhuluzhulu tshothe, ndo—ndo vha ndi tshi khou ni fareledza, two nnyita uri ndi tumule mulaedza wanga uri u vhe zwipida. Fhedzi ndi a tenda uri Muya Mukhethwa u toda ni tshi pfectesa zwine nda amba. Vhonani, a hu na tshiñwe tsha ndeme kha lino duvha u fhira u konana na Mudzimu; ni a vhona, zwiswiđulo zwashu, na tshire tshi nga vha tshone, tshiñwe na tshiñwe. Murena u fhano. Zwino, ndo tou zwi pfa lune lwa tođou vha luthihi vhutshiloni hanga, u swika tshifhingani tshino.

¹⁹⁹ Zwino hani . . . nothe ni re fhano, hu si “vhangana.” Nothe hafha ni tođaho u nwa Khatsho, itonu ima lwa tshifhinganyana, u itela fhedzi thabelo. Mudzimu a ni fhađutshedze. Murena a ni fhađutshedze.

²⁰⁰ Zwino ndi vhangana ngomu hafha, vho—vho imaho zwino, vha nga ri, nga u imisa tshanda nga ndila *heyi*, “Mudzimu, shuma kha nne, itou nnadaza, ntendele ndi nwe kha itshi Tshisima. Huno a tho ngo ita tshi re tshone, fhedzi ndi—ndi tođa U tshi nkhangwela tshone. Ndi tođa U tshi tanzwa zwivhi zwanga. Huno ntendele—ntendele—ntendele nne, u bva duvhani lino, u tou . . . ?” Itonu vhona! Nnenne!

Hu na Tshisima tsho dalaho Malofha,
A bvaho kha tsinga dla Emanuele,
Huno vhatazwivhi vho mbwandamelaho fhasi
 ha muđalo,
Vha tshi xeletwa nga madondo othe a milandu
 yavho.
Vha tshi xeletwa nga madondo othe a milandu
 yavho,
Vha tshi xeletwa nga madondo othe a milandu
 yavho;

Huno vhatazwivhi vho mbwandamelaho fhasi
 ha mudalo,
 Vha tshi xelewanga madondo othe a milandu
 yavho.

²⁰¹ Zwino izwo, inwi ni re mutendi wa Mukriste, no tanganedza Kristo sa Mutshidzi wanu, fhedzi a ni athu... Zwino arali ni sa athu, Tshisima khetsho. Thone fhedzi Tshithihi tshire nda divha nga hatsho ndi itsho Tshisima tshi bvaho tsingani dza Emanuele. Zwino, huno arali vhanzhi vhanu hafha...

²⁰² Hu tou nga sa zwe nda vha ndi tshi khou amba vhuñwe vhusiku nga ha ili goni lituku li tshi khou tshimbila ngomu dzharatañi ya dulu na dzikhukhwana. Huno a lo ngo vhuya la divha tshiñwe-who nga nn̄da ha dzikhukhwana, fhedzi lo zwi divha uri hu na tshiñwe nga halo tsho fhambanaho na dzikhukhwana. Huno mme alo a da a tshi khou li zwima, huno a tou t̄avha mukosi e n̄tha. Ho vha hu mbidzo ya goni. Ni a vhona, lo do tea u vha goni, tsha u tou thoma, kana lo vha li sa do vhuya la limuwa iyo mbidzo. Ni a vhona, lo...

²⁰³ Hu tea u vha na tshiñwe afho, tsho melaho, kana a tshi nga vhuyi tsha bveledza Vhutshilo. Huno arali Mbeu, Ipfi la Mudzimu, li kha inwi, Muya Mukhethwa u fhano zwino u medza ilo na u Li disa kha u vha la vhukuma kha inwi.

²⁰⁴ Ndi vhangana ngomu hafha vha sa athu tanganedza ndovhedzo ya Muya Mukhethwa, ni nga imisa zwanda zwanu? U mona hothe, hothe—hothe, u tou fulufhedzea vhukuma, arali ni sa athu tanganedza Muya Mukhethwa, nahone ni tshi do tod̄a u ralo, imisani tshanda tshanu. Huñwe na huñwe hune na vha hone, ivhani no imisa tshanda tshanu lwa tshikhathinyana.

²⁰⁵ Zwino ndi tod̄a, inwi no imaho nahone no vha sedza, ndi tod̄a muñwe a tshi vhea zwanda zwawe khavho.

²⁰⁶ Ndi a tenda zwino Muya Mukhethwa u do dadza muñwe na muñwe ane a U tod̄a. Zwino ni songo elekanya nga ha zwiliwa nn̄da hangei khefini. Kha ri elekanya nga ha itshi Tshiliwa afha. Hetshi ndi Thone. Hetshi ndi Vhutshilo. Ni a vhona, hetshi ndi Vhutshilo.

²⁰⁷ Zwino rembuluwani, muñwe na muñwe wanu, nahone ni vheane zwanda, "Huno vha vhea zwanda zwavho khavho!" Zwino ndi tod̄a ni tshi rabelela uyo muthu no vheaho tshanda khae...

²⁰⁸ Zwino ni songo elekanya nga ha u byela nn̄da. Ni songo elekanya na nga ha tshiñwe-who. Itonu elekanya, zwa zwino, Muya Mukhethwa u fhano u dadza muñwe na muñwe. Vulani mbilu yañu, vulelani madi othe a damu nn̄da, huno ni ri, "Oo Tshisima tsha Vhutshilo, dzhena kha nñe. Nndadze, Oo Murena Mudzimu, nga vhudi Hau na tshilidzi."

²⁰⁹ Murena Yesu, itsho Tshisima tshi sa xi! Ndi a rabela, Mudzimu, uri U do dadza muñwe na muñwe wavho. Ngavhe Muya Mukhethwa u tshi tsa fhano. Ndi a rabela, Mudzimu, uri ri do hangwa zweøhe nga ha tshiñwe na tshiñwe-vho; uri Muya Mukhethwa u tse vhukati hashu, zwa zwino, nahone u do ri nea ayo Madi a Vhutshilo, nga fhedzi, u bva huñwe na huñwe. Zwi nekedze, Oo Mudzimu. Musi tha—thabelo i tshi bvela phanda na luimbo, zwi tshi kwakwana, Murena, ri tshi ñivha uri uvho ndi Vhuhone Hau, Vhuhone Hau Vhukhethwa, ri ñoda u da Tshisimani. Ri ñoda ndovhedzo vhukuma, yone—yone ya Muya Mukhethwa. Murena, havha vhathu vha khou rabelela Yone. Ndi rabela uri, itshi tshikhathi zwino, uri vha do dadzwa nga vhuði ha Mudzimu. Zwi nekedze, Oo Mudzimu. Ipfa thabelo dza vhana Vhau. Ngavhe U de kha vhuvhava havho, ngavhe Maanda a Mudzimu, na Muya Mukhethwa, zwi tshi swiela khavho. Zwi nekedze, Mudzimu.

²¹⁰ Oo ri U livhuwa hani nga ha u netuluswa, nga ha Vhuhone ha Mudzimu wa maanda wa Tadulu, o ima vhukati hashu! Nga awara iyi ya masiari, Murena, ri kanzwe! Murena, ri ñoda Zwiliwa zwi bvaho ñafulani Yau. Ri kanzwe, Murena, zwa zwino. Ri kanzwe nga Muya Mukhethwa, vhutshiloni hashu. Mimuya yasho i fhisaho i re na ndala i na ñora. Vhunga Wo amba kha thalutshedzo ya luimbo, “U do shululela madi n̄ha ha mavu o swaho.” Zwi tendele u bvelela, Murena. Maipfi Au nga a vhonadzwe mbiluni dza vhana Vhau, “Madi kha mavu o omaho, o swaho.” Mudzimu wa u ya nga hu sa fheli, ipfa thabelo ya vhalanda Vhau, nahone ri nee iyo Phaþhutshedzo. Amene.

Oo, ndi funa hani Ye- . . .

²¹¹ Isani phanda na u Mu renda zwino. Wanulusani, Muya Mukhethwa u fhano. Arali ni sa U ñanganedzi, ndi mulandu wañu.

Ndi mu funa hani Yesu,

“Ni a Mpfunu u fhira avha?”

. . . funa Yesu,
Ngauri O thoma u mpfuna.

Oo, ndi funa hani . . . (Thendo kha Mudzimu!)
Oo, ndi funa hani . . . (Mini-ha arali O vha a tshi
nga tou . . . ? . . . -thinyana?)
Oo, ndi funa hani Yesu,
Ngauri O thoma u mpfuna.

A thi nga do Mu ñutshela,
A thi nga do Mu ñutshela,
A thi nga do Mu ñutshela,
Ngauri O thoma u mpfuna.

A mangadzaho, a mangadzaho, ndi Yesu kha nne,
 Mueletshedzi, Mukololo wa Mulalo, Mudzimu Ramaanda ndi Ene;
 Oo, a tshi ntshidza, a tshi mphephisa kha tshivhi tshothe na thoni,
 A mangadzaho ndi Murengululi wanga, rendani Lawe...

²¹² Kha ri Mu imbele lwone zwino!

A mangadzaho, a mangadzaho, ndi Yesu kha nne,
 Mueletshedzi, Mukololo wa Mulalo, Mudzimu Ramaanda ndi Ene;
 Oo, a tshi ntshidza, a tshi mphephisa kha tshivhi tshothe na thoni.
 A mangadzaho ndi Murengululi wanga, rendani Dzina Lawe!

²¹³ Vhothe vha no pfa izwo, kha vha ri “amene.” [Tshivhidzo tshi ri, “Amene.”—Mudz.] Oo, hāleluya! Ndi vhona vhañwe vhathu vha tshi khou bvelela zwino, na Muya Mukhethwa.

Ndo vha ndo xela, zwino ndo wanwa, ndo vhofhololwa kha u latwa,
 Yesu u nea mbofhollowo na tshidzo yo fhelelaho;
 A tshi ntshidza, a tshi mphephisa kha tshivhi tshothe na thoni,
 A mangadzaho ndi Murengululi, rendani...

Kha ri imisele zwanda zwashu n̄ha zwino huno zwa vhukuma ri re-...

Oo, a mangadzaho, a mangadzaho, ndi Yesu kha nne,
 Mueletshedzi, Mukololo wa Mulalo, Mudzimu Ramaanda ndi Ene;
 Oo, a tshi ntshidza, a tshi mphephisa tshivhini tshothe na thoni,
 A mangadzaho ndi Murengululi, rendani Dzina Lawe.

²¹⁴ Ni a Mu funa? [Tshivhidzo tshi ri, “Amene!”—Mudz.] Oo, zwi a mangadza! Thendo kha itsho Tshisima tsho dalaho Malofha, hune vhaitezvivhi vha xedza nyofho yothe ya muthu, u latwa hothe, u tou vha o vhofhololwaho Khae. Hāleluya! Yawee, nn̄enñe, izwo zwi a mangadza vhukuma!

²¹⁵ Zwino musi ri tshi imba ulwo hafhu, kha ri tendele vhothe Met̄hodisi, Baphuthisi, Kātolika, Puresbiterieni, tshine tsha vha, musi ri tshi imba ulu, “A mangadzaho, ndi Yesu kha nne,” kha ri rembuluwe zwashu huno ri khađane, ri tou vha na muvango wa

kale wavhuđi. Ni a divha, nne, izwo ndi zwine nda zwi takalela. Idani-ha, kha ri lu imbe zwino sa zwine ra ita.

Oo, a mangadzaho, a mangadzaho, ndi Yesu
kha nne,

²¹⁶ [Murathu Demos Shakarian u amba na Mukomana Branham, “Mukomana Branham, ndi kha di bva u wana mulaedza malugana na Mupuresidente Johnson, o gidimiselwa sibadela e na vhulwadze ha mbilu, huno khamusi ri tea u mu rabelela khathihi na lushaka lwashu.” Vharathu vha rera nga hazwo. Muñwe u ri, “Kha ri lindele lwa tshifhinganyana.”—Mudz.]

A mangadzaho, ndi Yesu, (ndi zwone)
Oo, Mueletshedzi, Mukololo wa Mulalo,

²¹⁷ [Murathu Shakarian u amba hafhu na Mukomana Branham, “Kha vha mpfarele, kha vha dovhe vha mpfarele, vha a ḥoda u tsela phasi lwa tshifhinganyana fhedzi?” Murathu Earl Prickett u ranga phanda tshivhidzo kha u imba, *A mangadzaho*. Hu na tshikhala kha theiphi. Tshivhidzo tshi imba *Hu Na Mulambo Wa Vhutshilo*. Hu na tshiñwe tshikhala kha theiphi—Mudz.]

Bivhili yo ri, “Rabelelani avho vha re muvhusoni.”

²¹⁸ Khotsi ashu wa Tađulu, ro ima ri na ḥodea ya shishi ya murangaphanda wa lushaka lwashu, Mupuresidente washu. A nga di si vhuye a divha hezwi, Murena, fhedzi Iwe u a zwi divha. Ndi rabelela Murathu Johnson, sa izwo a tshi didzhiauri u mutendi kha Iwe. Huno, Khotsi, vhulwadze ha mbilu, ri a pfesesa, ho mu kavha. Ndi a rabela, Mudzimu, vhulunga vhutshilo hawe. Ri kha vhu—vhuleme ha lushaka zwa zwino, nga ndila i songo dzudzanyeaho. Huno tendela Muya Wau u da khae, Murena. Huno zwa zwino, ngomu sibadela kana huñwe na huñwe hune a vha hone, tendela Muya Wau u tsela kha Walter Reed Hospital huno wa kwama muvhili wawe, u tshi vhulunga vhutshilo hawe. Murena, uyo munna u kha mutsiko, mutsiko wo engedzeaho u fhira zwine ra ṭalukanya. Ngauralo ri a rabela, Mudzimu, sa vhatendi nahone sa tshipida tsha ulu lushaka, ri rabelela murangaphanda washu, uri U do mu engedzela vhutshilo, kha awara ino khulwane, Dzinani là Yesu Kristo. Amene.



MADAMU A RE NA MITWE TSV65-0123
(Broken Cisterns)

Hoyu Mulaedza nga Mukomana William Marrion Branham, u rangani wo ḥewaho nga Tshiisimane nga matsheloni a Mugivhela, Phando 23, 1965, u itela vhuragane ha Vhuṭama Ha Dzitshakha Ha Vhanna Vha Bindu La Mafhungo-mađifha O ḏalaho kha Ramada Inn kha la Phoenix, Arizona, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥalutshedzo ya Tshivenđa yo gandiswa huno ya phađaladzwa nga vha Voice Of God Recordings.

TSHIVENDA

©2009 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ñwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org